

Naqqiut

Siunnersuut 12. aggusti 2020-meersoq taarserpaa

(Kalaallisut oqaasertalimmi inatsisilioriaatsimut tunngasunik aaqqissuussinikkut naqqiisoqarpoq. Kalaallisut oqaasertalimmi siunnersuummi immikkoortoq 2-mi naqqiissutit ipput)

Siunnersuummut nassuiaatit

Nassuiaatit nalinginnaasut**1. Aallaqqaasiut**

Siunnersuut pingaarnertut siunertaqarpoq atuisartut pitsaanerusumik illersorneqarnissaannik aamma paasissutissiisarnermik annertunerusumik, paasissutissanut akinut aamma kiffartuussinernut tunngasuni kiisalu ingerlaavartumik illuatungeriit akornanni akitsuutitut isumaqatigiissuteqartarnernut tunngasuni.

Nalinginnaasumik nioqqtissanik pisiniartarnerup saniatigut kiffartuussisarnerit aammalu akilersukkamik pisartagaqartarneq suli annertunerujartuinnartumik inuiaqatigiinni ilisimasaqarnermik tunngaveqartuni nutaaliaasuni atugaaleriartorput. Atuisartut annertuunik periarfissaqarput akilersukkanik pisartagaqartarnernut assigiinngisitaartorujussuarnut, pisinissamullu sullissinernik aamma kiffartuussinernik assigiinngisitaartunik.

Taamaattumik pisariaqartitsisoqarpoq immikkuullarinnerusunik aaqqissuussaasumik tuniniaasarnermut aqutsissutinik isumaqatigiissutaasartut assigiinngitsut pineqartut pillugit aaqqissuussisoqarnissaa, ataatsimoornerusunik takussutissiisinnaasunik isumaqatigiissutinut pineqartut aningaasartuutaasunik, taamalu aamma periarfissiisinnaasunik suliffeqarfiit assigiinngitsut neqeroorutaasa assigiinngitsut imminnut sanilliuttarnissaannik.

Siunnerfigalugulu atuisartut pitsaanerusunik periarfissaqalernissaat nioqqutaasut akiinik sanilliussisinnaanermut meqqit assigiinngitsut poortukkallu assigiinngitsunik angissusillit akornanni, siunnersuutigineqarpoq ussasaarisarnermut inatsimmi pisinnaatitsissusiinissaq Naalakkersuisut malittarisassiorsinnaaneranut paasissutissat akinut assigiissuut tunngasunik, soorluttaa q aamma pisussaaffiliisumik kiilumut akiusunik ilisimatitsinissamut.

Siunnersuutillu aammattaaq nukittorsarpaa Atuisartoqarnermut Unammilleqatigiinnermullu Aqutsisoqarfiup arlaannaannulluunniit atasuunnginnera, Inatsisartut Inatsisaat manna

naapertorlugu nakkutilliinermik ingerlatsisarnermi, aalajangersaallunilu piginnaatitsissummik nakkutilliinermik ingerlatsisinnaanermut niuerfiusuni ammasuni nittarsaassiviusartunilu.

2. Siunnersuummi immikkoortut pingaernerit

Tuniniaanermut aamma assigiinnik nioqqutissanik akeqartitsinernut paasissutissat

Siunnersuummi oqaasertaliinikkut allannguuteqartumik ingerlateqqinneqarpoq pisussaaffik inatsimmi maanna atuuttumi § 17, imm. 1, nioqqutissanik neqerooruteqarnermi akinut tunngasunik paasissutissiisussaataaneq. Taamaattoq paasissutissiinissaq isiginiarlugu toqqaannartumik siunnersuummi aalajangersakkami oqaaseqatigiit aappaanni nalunaarneqarpoq elektroniskiusumik neqeroortitsisarneq elektroniskiusumik inniminniisinnaaneq periarfissaasoq, soorluttaaq oqaasertai annertusineqarlutillu itisilerneqartut, elektroniskiusumik nioqqutissanik neqeroortarnermut tunngatillugu.

Siunnersuutigineqarpoq pisinnaatitsissummik pilersitsisoqassasoq Naalakkersuisut nalunaarummik suliaqarnikkut immikkut ittunik malittarisassanik suliaqarsinnaanissaannut, akinut tunngasunik paasissutissiisarnerup, tamatumani aamma nioqqutinut tunngasunik paasissutissiisussaanerup saneqqunneqarsinnaanissaanik imaqartussamik. Ilanngullugulu aalajangersarneqarsinnaaassaaq paasissutissiisoqartassasoq nioqqutip akianut aammalu nioqqutit ataatsimoortut akiannut tunngasunik. Nioqqutit ataatsimoortut akiat paasineqassaaq uuttuut aalajangersimasoq atorlugu akiusoq, soorlu kiilumut imaluunniit miiterimut akiusoq. Malittarisassat taamaattut atuisartunik periarfissaqartitsilissapput nioqqutinik sanilliussisinnaanissamut, naliliisinnaanerussallutillu annertussutsit atorsinnaasut qanoq ittut tunngavigalugit aningaasaatitit atorluarsinnaanerussallugit.

Kiffartuussinernik suliani akiusut aamma kiffartuussinerni paasissutissat fakturami nalunaarneqartussat

Nittarsaassisarnermut inatsimmi atuuttumi § 17, imm. 2 naapertorlugu Naalakkersuisut piginnaatinneqarput aalajangersakkanik aalajangersaanissamut inuussutissarsiortut kiffartuussinernik ingerlatsisartut allagarsiissuteqartartut imaluunniit allatut paasissutissiisartut kiffartuussinernut neqeroorutigineqartunut atatillugu ersarissumik paasissutissiisassasut neqeroorutaasup akianik. Piginnaatitsisut taanna atorneqanngilaq.

Siunnersuutikkut taarsiullugu ataatsimut atuuttunik malittarisassiortoqarpoq kiffartuussinerni akiusartunut paasissutissat pillugit Inatsisartut inatsisaatigut, aammalu Naalakkersuisut siunnersuummi § 17, imm. 9 aqutigalugu piginnaatinneqarlutik taakkuninnga sanioqutsitsinnaanermut, ilaatigut atuisartunik isiginiaanerni imaluunniit inuussutissarsiortunut taamatut aqqissuussinissaq pisariaqartillugu.

Siunnersuutikkut eqqunneqassaaq ataatsimut isigisumik allagarsiissuteqartarnissamut pisussaaffik, nioqqutissatut atuuttup assigisaa, kiffartuussinernit inimi niuerfiusumi

neqeroorutigineqaraangata aalajangersimasumik akeqartitsilluni, imaluunniit aalajangersimasumik akeqartitsilluni elektronikki atorlugu inniminnerneqarsinnaagaangata.

Kiffartuussinerni allani siumoortumik akiusussamik aalajangersimasumik aalajangersaaffioreersimangitsuni, atuisartup piumasaqarneratigut akiusumik tunniussisoqartassaaq, akiusussatut missingersuummik tunniussisoqartassaaq imaluunniit paasissutissiisoqartassalluni akiususaaq qanoq naatsorsorneqarniarnersoq pillugu. Tamanna allaganngorlugu pisassaaq, atuisartup tamanna allaganngorlugu piumasarippagu, atuisartup ersarissumik allatut aqqissuussisoqarnissaa piumasarisimangippagu. Atuisartorlu taamaaliornikkut qularnaarunneqartassalluni uppersaatissaqarnissamik paasissutissat tunniunneqarsimasut pillugit.

Tuniniaanissamik nittarsaassisarnermut inatsimmi maanna atuuttusumi § 17, imm. 3 naapertorlugu inuussutissarsiortoq atuisartumit piumasaqarnikkut fakturamik tunniussisassaaq regningiligassamik suliaasimasunut. Akiligassiissutikkut - faktura-kkut – atuisartuq periarfissaqartinneqalissaaq nioqqutinut aamma kiffartuussinernut pineqartut akiusunik aammalu nalunaaquttap akunnerisunik sullissinermi ilaasunik nakkutilliinissamut.

Siunnersuutigineqartut § 17, imm. 5-7 naapertorlugit taarsiullugu eqqunneqassaaq ataatsimut isigisumik fakturaliornissamut pisussaaffik akiligassiissuteqarfiusussatut sulianut, atuisartorlu tamatuminnga piumasaqarnissamik pisariaqartitsiunnaassalluni, taamalu atuisartuq tunngaviusunik periarfissaqalissalluni kiffartuussinermi ilaasut suliat akiisa nakkutiginnissaannut. Taamaaliornermi atuisartuq akiligassiissummi ilaasut erseqqinnerusumik nakkutiginninnaajumallugit, paasissutissanik annertunerusunik imaluunniit immikkuualuttortalersugaanerusunik piumasaqartariaqarnerluni naliliinissamut periarfissaqalissaaq.

Atuisartuq aallaaviusutut nalinginnaasumik taamaallaat paasissutissinneqassaaq nal. ak. akiusoq pillugu, aamma nal. ak. atorneqarsimasut kiisalu atortussat atorneqarsimasut pillugit, tamakkua kiffartuussinerup akianut sunniuteqarsimappata.

Inuussutissarsiutilli sammiviisa ilaanni akinik aqqissuussineqarsinnaasarpog pisariaqartitsiviusunik immikkuualuttortalersuinissamik imaluunniit paasissutissanik allanik ilanngussinissamik, tamanna inuussutissarsiummi tassani nalinginnaasuuppat. Kiisalu aamma paasissutissanik allanik tunniussisoqarsinnaavoq atuisartumut isumaqatigiissuteqarneq naapertorlugu.

Atuisartuq piumasaqarnermigut siuliani pineqartunik paasissutissanik tunineqarsinnaavoq, akiligassiissutip imarisaasa nakkutiginnissaannut pisariaqartunik. Piumasaqarnerilli taamaattut

inuussutissarsiortup sulinera eqqarsaatigalugu akiligassiisummik tigusaqarnermiit piaartumik saqqummiunneqartassapput.

Siunnersuutigineqartoq § 17, imm 9 Naalakkersuisunut pisinnaatitsivoq ilaatigut immikkut ittunik maleruagassiorsinnaanermut, fakturaliornissami pisussaaffinnik sanioqqutsisinnaanermut, tamanna kiffartuussilluni suliat ilaanni naleqqutinngitsutut isigineqarsimappat. Pisinnaatitsissulli assersuutigalugu atorneqarsinnaavoq inuussutissarsiutit sammiviisa ilaanni immikkut fakturami immikkuualuttortalersuinissamik pisariaqartitsiviusumi, akit akimut ersittuutikkumallugit.

Malittarisassat aningaasarsiornikkut kiffartuussissutaasuni atuutinngillat, taamaattunik aqutsineq, tamakkua immikkut ittuuneri tunngavigalugit allatigut inatsisiliornikkut aalajangersartariaqarmata. Taamaattoq Naalakkersuisut siunnersuutigineqartoq § 17, imm. 9 tunngavigalugu aalajangersakkanik aalajangersaasinnaapput kredit-imik tunniussisarnermut tunngasuni.

Akitsuutinik allannguisarnek allannguinnissanillu ilimasaarinissamut piffissaliussat
Akitsuutit annertusiartortumik aningaasartuutaasarput atuisartunut kontraktini ingerlaavartuni, inuussutissarsiortunullu isertitsissutaasarlutik pingaartut, kiffartuussinernik pisariusunik immikkuullarissunillu ineriartortitsisarnermi. Taamaattumik nalornisoortoqartarsinnaavoq qaqugukkut akitsuut kiffartuussinermut ilassutitut akiligassanngortinneqarsinnaanersoq, aammalu qaqugukkut akitsuut kiffartuussissutaasumut pingaarnermut akiusumut annertusaataaginnarnersoq eqqarsaatigalugu.

Taamaattumik pisariaqartitsisoqarsimavoq suliassa qarfinni tamatumani malittarisassanik sukaammiinissamik. Akitsuutit nutaat imaluunniit allanngukkat aamma atuisartunut tupaallaataasinnaasarput, ilassutitullu akiligassatut isigineqartarlutik, atuisartup suliassamut isumaqatigiissuteqarnermini immikkut maluginiarsimanngisaatut.

Siunnersuummi aalajangersagassatut § 1, nr. 2-tut ilanngunneqartutut malittarisassanik ilanngussisoqassaaq akitsuutinik allannguisinnaanermut, aammalu isumaqatigiissutaasuni ingerlasuni nutaanik akitsuusiisinnaanermut.

Aalajangersagaq eqqartuussivitsigoortumik sunniuteqanngilaq, taamaasillunilu atuisartup aamma inuussutissarsiortup akornanni isumaqatigiissutaasartunut sunniuteqarani. Taarsiullugu pineqarpoq pisortat atortitsinermi aalajangersagaat, aalajangersakkamillu unioqqutitsineq pineqaatissinneqarsinnaalluni tuniniaanissamik nittarsaassisarnermi tamanna pillugu nalinginnaasumik malittarisassat naapertorlugit.

Siunnersuut pilersitsissaaq akimut ersittumik ingerlatsinermik, akitsuutiniq atuinerit tunngatillugu, aamma piffissap isumaqatigiissummik atsiorfiusup kingorna. Matumani tuniniaanissamik nittarsaassisarnermut nassuiaatini § 18, imm. 2-mut atuuttuni ersippoq akitsuutit pisinissaq sioqqullugu ersarissumik paasissutissiissutigineqartussaasut, siunnerfeqarlutsittaaq atortinneqartussatut paasissutissanut isumaqatigiissutini atuuttuni (ingerlasuni) akitsuutiniq allannguisinnaanernut. Pisinnaatitsissutilli suussusianik tunngaveqartumik pisariaqartinneqarsimavoq inatsisip oqaasertaani tamanna pillugu oqaasertaliinissaq.

Isumaqatigiissutini ingerlasuni isumaqatigiissuteqareernerup kingorna akitsuutiniq atuuttunik allannguisoqarpat imaluunniit akitsuutiniq nutaanik eqqussisoqarpat, aamma pisariaqartitsisoqarpoq atuisartut pissutsinut taamaattunut tunngatillugu paasissutissinneqartarnissaat, piunasaqarnikkut inuussutissarsior tup allannguinissat pineqartut atuisartumut ilisimatitsissutigisassagai.

Atuisartoqarnermut Unammilleqatigiinnermullu Aqutsisoqarfiup nakkutilliinera
Atuisartoqarnermut Allattoqarfik atuisartoqarnermut siunnersuisoqatigiit sinnerlugit ataasiakkaannguatigut atortuutitsisannginneq eqqaassanngikkaanni nakkutilliisuusimavoq siusinnerusukkut atuuttuusimasoq Atuisartunut pisisartunullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut Inatsisaat nr. 10, 13. november 1986-imeersoq taamani atuussimasoq tunngavigalugu, 2015-imi taarserneqartoq Tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat nr. 39, 9. december 2015-imeersumik (tuniniaanissamik nittarsaassisarnermut inatsit).

Atuisartunut siunnersuisoqatigiit namminersortutut siunnersuisoqatigiittut Naalakkersuisunit ilitserorneqartarnerup avataaniissimapput, piginnaatitsisoqarnikuunanilu aalajangiinernik allanngortitsisinnaanernut oqartussani allani. Atuisartunut siunnersuisoqatigiit atorunnaarsinneqarnerisigut pisortat ingerlatsineranni arlaannaannulluunniit atanngitsumik aalajangiisarneq taanna tamarpoq. Assersuutigalugu tuniniaanissamik nittarsaassisarnerit pillugit nakkutilliilluni inatsisinik atuutsitsineq taamaasilluni Naalakkersuisut qaffasinnerusutut oqartussatut aalajangiisinnaanerisa ilagilissavaat.

Taamaattumik siunnersuutigineqarpoq Atuisartoqarnermut Unammilleqatigiinnermullu Aqutsisoqarfik arlaannaannulluunniit atasuunngitsunngorteqqinneqassasoq, Atuisartoqarnermut Unammilleqatigiinnermullu Aqutsisoqarfiup ulluinnarni allaffissornikkut sulinermini unammilleqatigiinnermut inatsisinik atortitsineratulli, tak. § 26, imm. 2, oqaaseqatigiit aappaat, Unammilleqatigiinneq pillugu Inatsisartut Inatsisaanni nr. 1, 15. maj 2014-imeersumi, (unammilleqatigiinneq pillugu inatsit), kingusinnerusukkullu allannguuteqartinneqartumi.

Atuisartoqarnermut Unammilleqatigiinnermullu Aqutsisoqarfiup nakkutilliinikkut pisussaaffii
Tuniniaanermik nittarsaassisarneq aamma nalunaaqutsersuisarneq pillugit inatsisartut
inatsisaanni maanna atuuttumi Atuisartoqarnermut Unammilleqatigiinnermullu
Aqutsisoqarfiup inuit namminerisaminnik illuutaannut isersinnaanermut immikkut
malittarisassaqaanngilaq, tuniniaanissamik nittarsaassisarnermik nakkutilliilluni sulianut
atatillugu atorneqarsinnaasumik.

Atuisartoqarnermut Unammilleqatigiinnermullu Aqutsisoqarfik taamaattumik aallaavittut
taamaallaat isersinnaatitaavoq inuit tamat ammaneranni iserfigisinnaasaannut sumiiffinnut,
immikkullu piginnaatitaanani inatsisitigut aalajangersagaasumik
taakkunaniiginnarsinnaanermut, inuussutissarsiortup tassaniinnisaaq ajornasaarutigippagu.

Pisiniarfinni nittarsaassinermut nakkutilliinissamut periarfissaqarnisaaq qulakkeerniarlugu,
aammalu pisortat inuussutissarsiortullu inatsisitigut isumannaatsumik inissisimanisaaq
isiginiarlugit, taamaattumik siunnersuutigineqarpoq ersarissumik inatsisikkut
piginnaatitsisoqassasoq, aalajangiussisumik inuussutissarsiortut nittarsaassisarnermut
inatsisinik atuuttitsinermut atatillugu nakkutilliisut isiginngitsuusaarsinnaanngikkaat,
aqutsisoqarfik niuerfiup nalinginnaasumik ammanerani isertinnaveersaarlugu, ilutigisaanillu
ersarissunik killiliilluni isersinnaatitaanermik.

Pineqaatissiisarnermut aalajangersakkanik naleqqussaaneq

Allannguutissatut siunnersuutikkut § 1, nr. 5-imi tuniniaanissamik nittarsaassisarneq pillugu
inatsimmi kinguneqartitsilluni allannguuteqartitsisoqarpoq, tassami unioqqutitsinerit
siunnersuutigineqartunik § 18, imm. 5, § 17, imm. 1-2, 5 aamma 7-8 aamma § 21-imi
pineqaatsiissutitut akiliisitsinermik kinguneqartartussanngortinneqarmata. Soorluttaaq
siunnersuutigineqartoq nakkutilliisut isersinnaanerannut itigartitsineq
aalajangiusimanninnerlu § 24, imm. 4-5-i nutaaq naapertorlugit pineqaatissiissutitut
akiliisitaanermik kinguneqarsinnaasut.

Marloqiusanik pisinnaatitsissutit § 39, imm. 1, nr. 1-imi § 5-ip aamma § 10-p tassani
tamarmik eqqaaneqarneri aammalu immikkut kingornagut tamarmik eqqaaneqaqqinneri imm.
1-imi siunnersuutigineqarpoq peerneqassasut.

Kiisalu aamma siunnersuut imaqarpoq iluarsisummi kukkusumik paragraffimut
innersuussinermik, maanna tuniniaanissamik nittarsaassisarnermut inatsimmi atuuttumi § 39,
imm. 1-imi. Pineqaatissiissuteqartarnermut aalajangersakkat maanna oqaasertaligaanerminni
siunnerfiunngitsumik kinguneqarput inuussutissarsiortut piaarinatik tuniniaanissamik
nittarsaassisarnermut inatsimmi § 22-imi unioqqutitsinerit, allat niuernerimi ilisarnaataannik
atuinerit siunnerfiunngitsumik imaluunniit oqaatsinik paarlaassisoornikkut,

pineqaatissiissutitut akiliisitsinermik kinguneqarsinnaasut, tamanna taamaallaat atuuttuuvoq piaaraluni Inatsisartut Inatsisaanni § 21-imik atuuttumik unioqqutitsinermi, akinut tunngasumik paasissutissat nioqqutini pilerisaarutini atuisartut tungaannut saqqummiussani.

Tamanna pissuteqarpoq innersuussinermi teknikkikkut kukkunermik, killormut paarlattuanik Atuisartunut pisisartunullu siunnersuisartoqatigiit, tuniniaasarneq, nalunaaqutsersuisarneq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersumi maana atorunnaarsimasumi kingusinnerusukkullu allannguuteqarsimasumi atuuttuusimammat, tuniniaanissamik nittarsaassisarnermut inatsimmut oqaaseqaatini ingerlateqqitassatut siunnerfiusimammat, Taamaattumik kukkunerup iluarsinissaa siunnersuutaavoq.

Siunnersuut inatsimmut maanna atuuttumut sanilliullugu	
<i>Maanna oqaasertalerneqarnera</i>	<i>Siunnersuut</i>
	§ 1 Tuniniaanissamik nittarsaassisarneq aamma nalunaaqutsersuisarneq pillugu Inatsisartut Inatsisaanni nr. 39, 9. december 2015-imeersumi (nittarsaassisarneq pillugu inatsit) imaattunik allannguuteqartitsisoqassaaq:
<p>§ 17. Inuussutissarsiutigalugu atuisartunut pisisartunullu nioqqutissanik neqerooruteqartoq nalunaaqutsersuinikkut, allagartalersuinikkut allatigulluunniit erseqqissumik nioqqutissamut imaluunniit nioqqutissat ilaannut ataatsimut katillugu akiusoq, ilanngullugit akiliutit, aningaasartuutit akitsuutillu, pillugu paasissutissanik tunniussissaaq.</p> <p><i>Imm. 2.</i> Inuussutissarsiutigalugu kiffartuussissummik suliaqartoq allagartalersuinikkut allatulluunniit erseqqissumik sullissinissamut neqeroorutigineqartumut akiusoq pillugu paasissutissiissasoq Naalakkersuisut aalajangersakkanik aalajangersaasinnaapput.</p> <p><i>Imm. 3.</i> Kiffartuussissut akiligassanngorlugu suliarineqarpat, atuisartup pisisartullu piumasaqarneratigut taanna akiligassamik</p>	<p>1. § 17 imatut oqaasertalerneqassaaq: ” § 17. Inuussutissarsiutitut nioqqutissanik atuisartunut tuniniaanermi nalunaaqutsersuinerni, allagartalersuisarnerni imaluunniit allatut iliorluni ersarissumik ilisimatitsissutigineqartassaaq nioqqutissamut neqeroorutigineqartumut imaluunniit nioqqutissaqatigiinnut ataatsimut akiusoq, akitsuutit ilanngutereerlugit, aningaasartuutit aamma akileraarutit. Nioqqutissanik elektroniskiusumik atuisartunit allatsinneqarsinnaasunik neqerooruteqarnerni, assigisaanik oqaaseqatigiit siulliit atuutissapput.</p> <p><i>Imm. 2.</i> Inuutissarsiutitut tuniniakkanik aningaalersuinerunngitsumik aalajangersimasumiit pisiniarfimmiit atuisunut kiffartuussinerit, kiisalu kiffartuussineq elektronikkikkut atuisartunut tuniniarneqarpat</p>

<p>immikkoortiteriffiusumik, nioqutissamut, kiffartuussissummut kiisalu nalunaaquttap akunnerinik atuinermut sullissinermut ilaasumut akiusumik misissuisinnaangorlugu, tunineqassaaq.</p> <p><i>Imm. 4.</i> Oqariaatsit tunisinissamik siuarsaat assersuutigalugu ”Neqeroortip akia”, ”Ussassarinermi akiusoq” imaluunniit ”Akikilliliineq” piviusumik imaqarpata aatsaat atorneqaqqusaapput. Tunisinissamik siuarsaatut oqaaseq akikilliliinermik paasisitsissappat siusinnerusukkut akiusoq atuussimasoq imaluunniit akiusumik appartitsinerup annertussusaa allagarsiinermi imaluunniit allagartalersuinermi allanneqassaaq.</p>	<p>imissutiginnissaanut periarfissaqarluni imm. 1, oqaaseqatigiinni siulleq, assiganik atorneqassaaq siumut periareerluni katillugu akimik aalajangiisoqarsimappat tassunga pineqartumut kiffartuussinermut.</p> <p>Tamakkiisumik akimik aalajangiinissaq periarfissaangippat tuniniakkat kiffartuussinereit annertussuseqarnerat pissutaalluni, taamaasilluni akia aalajangiunneqassaaq naleqquttumik toqqarluakkatullu.</p> <p><i>Imm. 3.</i> Siumoortumik kiffartuussinermut aalajangersimasumik akiusussamik aalajangersaaffioreersimangitsuni inuussutissarsiummik ingerlatsisup atuisartup piunasaqarneratigut isumaqatigiissuteqannginnermi ilisimatitsissutigissavai:</p> <ol style="list-style-type: none"> 1) kiffartuussinermut pineqartumut akiususaaq ataatsimoortoq, 2) akimik naatsorsuussinermut periuseq, akia eqqorlugu oqaatigineqarsinnaangippat, taamaasillunilu akia atuisartumiit misileqqinneqarsinnaalluni, imaluunniit 3) missingersuusaaq naammattunik immikkuualuttortalikkamik suliaasoq. <p><i>Imm. 4.</i> Atuisartoq imm. 3 malillugu allaganngorlugu piunasaqarluni saqqummiippat, inuussutissarsiortoq allaganngorlugu paasisutissanik tunniussissaaq, atuisartoq ersarissumik allatut piunasaqarsimangippat.</p> <p><i>Imm. 5.</i> Aningaasarsiornermut tunngasuunngitsumik kiffartuussineq akiligassiissuteqarluni suliarineqareerpat, atuisartoq akiligassiissummik immikkuualuttortalersukkamik tigusaqassaaq, periarfissaqartitsisussamik taassuma nioquttip kiffartuussinermi tunniunneqartup akianik nakkutiginnissinnaanissaanik. Atuisartoq</p>
--	--

	<p>paasissutissinneqassaaq nal. akunneranut akigitinneqartumik, akunnernik atorineqartumik aamma atortulersuutinik qanoq ittunik kiffartuussinerup akianut sunniuteqartunik atuisoqarsimaneranik.</p> <p><i>Imm. 6.</i> Inuussutissarsiortup tamakkiisumik imaluunniit ilaannakuusumik paasissutissat imm. 5-imi eqqaaneqartut taarsersinnaavai paasissutissanik allanik, tamanna pippat atuisumut isumaqatigiissuteqarnikkut, imaluunniit suliassaqarfimmi ingerlatsiviusumi tassani ileqquusut tamanna kingunerippassuk.</p> <p><i>Imm. 7.</i> Inuussutissarsiortoq atuisartup piunasaqarneratigut ilassutitut paasissutissiissaaq, atuisartumik periarfissaqartitsilertussamik nioqquutit tunineqartut akiinik nakkutilliilluni paasiniaasinnaanermik. Qinnutiginninneq piffissap naammaginatup iluani saqqummiunneqassaaq.</p> <p><i>Imm. 8.</i> Ussassaarisarnermi taaguutit, assersuutigalugu “Neqeroorutit”, “Ussassaarinermi akigititaq” imaluunniit “Akikilliliineq”, taamaallaat atorineqarsinnaapput eqqortumik atorineqarlutik piviusunik imaqarunik. Ussassaaraluni oqariaaseq atorineqartoq akiusunik appaasoqarneranik paasineqarsinnaappat, taava ussassaarineq sioqqullugu akiusimasoq imaluunniit akimik appaanerup annertussusia ussassaarummi imaluunniit allagartaliussami nalunaarneqartassapput.</p> <p><i>Imm. 9.</i> Naalackersuisut maleruagassiorsinnaapput makkununga:</p> <p>1) immikkut ittumik maleruagassanik imm. 1-7-imi sanioqqutsisinnaanernut, tamatumani aamma akiligassarsinermut atatillugu atugassarititaasunut paasissutissanik,</p>
--	--

	<p>2) akiusunut tunngasunik paasissutissiisarnermut periaasissanik, aamma paasissutissat tunniunneqartut annertussusissaannut, aamma</p> <p>3) imm. 1-imisulli periaaseqarluni paasissutissiisoqartassasoq nioqqutip akianik aamma nioqqutip uuttuutini aalajangersimasuni akianik, aammalu uuttuutit nioqqutissaqatigiinnut ataasiakkaanut ator neqartussat pillugit.”</p>
<p>§ 18. Akiliut paasineqassaaq tassaasoq immikkut kiffartuussinermut, atuuffimmut imaluunniit sullissinermut, nioqqutissamik imaluunniit kiffartuussisummik pisinermut atasoq.</p> <p><i>Imm. 2.</i> Akiliutit pisineq sioqqullugu erseqqissumik ilisimatitsissutigineqassapput.</p>	<p>2. § 18 -imi ikkunneqassapput <i>imm. 3-5-itut:</i></p> <p>” <i>Imm. 3.</i> Annertussusissaq imaluunniit akiligassiissutissaq akitsuut isumaqatigiissutaasumik atsiukkami ingerlaavartumi taamaallaat atuisartumut nammatassatut allanngortinneqarsinnaavoq tamatumunnga tunngaviusut atugassarititaasut isumaqatigiissummi atsiukkami erseqqissarneqarsimappata. Tamannali atuutinnigilaq akitsuutinut inatsisitigut aaqqissuussaasunut.</p> <p><i>Imm. 4.</i> Allannguneq akitsuummik imaluunniit akiligassiissummik atsiukkatut isumaqatigiissutaasumi ingerlasumi, siumoortumik ilisimatitsissutigineqarsimassaaq naapertuuttumik piffissaliilluni, atuisartumut atortuulinnginnerminni.</p> <p><i>Imm. 5.</i> Akitsuummik allannguneq annertuppat, imaluunniit akitsuummik allamik nutaamik akiligassiissuteqartoqarpat, siumoortumik atuisartumut ilisimatitsisoqassaaq atuisartut ataasiakkaarlugit allakkatigut attaveqarfiginerisigut, allannguutip atortuulinnginnerani. Atuisartoq isumaqatigiissummik atorunnaarsitsisinnaanermut pisinnaatitaappat, tamanna siumoortumik atuisartumut ilisimatitsissummi ersissaaq, soorluttaa</p>

	aamma ersissasoq atugassarititaasut qanoq ittut iluanni atuisartup isumaqatigiissut atorunnaarsissinnaaneraa.”
<p>§ 21. Allagarsiinikkut allatulluunniit taamaaqataanik iluseqartumik atuisartunut pisisartunullu nioqqutissap akia pillugu paasissutissanik tunniussisoqaraangat, paasissutissani §§ 17-imi aamma 19-imi, kiisalu aalajangersakkani § 16, imm. 1 aamma § 17, imm. 2 naapertorlugit aalajangersagaasuni piumasaqaatit naammassineqarsimassapput.</p>	<p>3. § 21 imatut oqaasertalerneqassaaq: ” § 21. Ussassarinikkut imaluunniit aningaasarsiornermut tunngasuunngitsumik kiffartuussineq pillugu allatut nioqqutip akianik atuisartunut ilisimatitsisoqarpat, paasissutissat pineqartut piumasaqaatinik § 17, imm. 1 imaluunniit imm. 3, nr. 1-3, § 17, imm. 8, § 19 kiisalu aamma aalajangersakkanik § 16, imm. 1 aamma § 17, imm. 9 -mik naammassinnittuussapput.”</p>
<p>§ 24. Imm. 2-imi aamma 3-imi ilaatinneqartussaannngitsutut taaneqartut atuutsillugit Atuisartoqarnermut Unammilleqatigiinnermullu aqutsisoqarfik Inatsisartut inatsisaanni matumani aalajangersakkat naapertorlugit aalajangersakkanik aalajangersagaasunik unioqqutitsisoqannnginnissaanik nakkutilliisaaq.</p> <p><i>Imm. 2.</i> Naalackersuisut imaluunniit tamatumunnga piginnaatinneqartoq, aalajangersakkanik § 16, imm. 2 naapertorlugu aalajangersagaasunik unioqqutitsisoqannnginnissaanik nakkutilliisaaq.</p> <p><i>Imm. 3.</i> Aalajangersakkanik § 16, imm. 1 naapertorlugu aalajangersarneqartunik unioqqutitsisoqannnginnissaanik nakkutilliineq, Naalackersuisunit imaluunniit uumasut nakorsaqaarnermut oqartussaasumit Naalackersuisunit toqqarneqarsimasumit isumagineqassaaq.</p> <p><i>Imm. 4.</i> Paasissutissat Inatsisartut inatsisaanni aalajangersakkanik unioqqutitsisoqarnersoq aalajangiinissamut pisariaqartinneqartut Atuisartoqarnermut</p>	<p>4. § 24 imatut oqaasertalerneqassaaq: ” § 24. Imm. 2-mi aamma 3-mi ilaatinneqartussaannngitsutut taaneqartut atuutsillugit Atuisartoqarnermut Unammilleqatigiinnermullu Aqutsisoqarfik Inatsisartut Inatsisaanni matumani aalajangersagaasunik unioqqutitsisoqannnginnissaanik nakkutilliisusaaq. Atuisartoqarnermut Unammilleqatigiinnermullu Aqutsisoqarfik nakkutilliinermik suliaqarnermini arlaannaanulluunniit atasuussanngilaq.</p> <p><i>Imm. 2.</i> Naalackersuisut imaluunniit tamatumunnga piginnaatinneqartoq nakkutilliisuusaaq aalajangersakkat § 16, imm. 2 naapertorlugu suliaasut unioqqutinneqannnginnissaanik.</p> <p><i>Imm. 3.</i> Naalackersuisut imaluunniit taanna Naalackersuisut Uumasut Nakorsaqaarfik Oqartussaaffittut toqqarsimasaata nakkutigissavaa inatsisinik § 16, imm. 1. naapertorlugu inerteqqutigineqartunik unioqqutitsisoqannnginnissaa.</p> <p><i>Imm. 4.</i> Atuisartoqarnermut Unammilleqatigiinnermullu Aqutsisoqarfiup piumasarinnaavaa paasissutissat pisariallit Inatsisartut Inatsisaanik</p>

<p>Unammilleqatigiinnermullu aqutsisoqarfiup piumasarisinnaavai.</p> <p><i>Imm. 5. Paasissutissat aalajangersakkanik § 16, imm. 1 naapertorlugu aalajangersarneqartunik unioqputitsisoqarnersoq aalajangiinissamut pisariaqartinneqartut Naalakkersuisut imaluunniit uumasut nakorsaqaqarnermut oqartussaasup Naalakkersuisunit toqqarneqarsimasup piumasarisinnaavai.</i></p>	<p>unioqputitsisoqarsimanersoq aalajangiunniarlugu tunniussisoqarnissaa, aammalu iluameersumik kinaassutsimik uppernarsaammik takutitsinikkut killilersugaanngitsumik aammalu akornuserneqanngitsumik pisiniarfiup ammanerani pisiniartut pisiniartarfiannut isersinnaassalluni.</p> <p><i>Imm. 5. Naalakkersuisut imaluunniit taanna Naalakkersuisut Uumasut Nakorsaqaqfik Oqartussaaffittut toqqarsimasaata piumasarisinnaavaa paasissutissat pisariallit inatsisinik § 16, imm. 1. naapertorlugu inerteqputigineqartunik unioqputitsisoqarsimanersoq aalajangiunniarlugu tunniussisoqarnissaa, aammalu iluameersumik kinaassutsimik uppernarsaammik takutitsinikkut killilersugaanngitsumik aammalu akornuserneqanngitsumik pisiniarfiup ammanerani pisiniartut pisiniartarfiannut isersinnaassalluni.”</i></p>
<p>§ 39. Akiliisussanngortinneqarluni eqqartuunneqarsinnaavoq:</p> <p>1) § 3, imm. 1-2-imik, § 4-mik, § 5-imik, § 6, imm. 1-imik, 3-mik aamma 6-imik, § 9, imm. 2-3-mik, § 10-mik, § 11-imik, § 12-imik, § 22-mik aamma § 23-imik unioqputitsisoq.</p> <p>2) Piaaraluni § 21-imik unioqputitsisoq.</p> <p>3) Ussassaarutininik assingusunik, takuuk § 5, imm. 1, § 5, imm. 2-imi maleruagassat malinnagit atuisoq.</p> <p>4) § 10, imm. 1-imut aamma 2-imut akerliusumik tuniniaanissamik nittarsaassisoq.</p> <p>5) 14, imm. 1-imut aamma 2-imut akerliusumik pisinissamik atuisartumut pisisartumullu kaammattuisoq.</p> <p>6) § 15, imm. 2-mi aamma 3-imi, § 17, imm. 1-imi aamma 3-imi, imaluunniit § 19-imi</p>	<p>5. § 39, imm. 1 imatut oqaasertalerneqassaaq: “ § 39. Pineqaatissiissutit akiliisitaasussanngortitaanerit pisinnaapput, makkuninnga:</p> <p>1) Unioqputitsinerni § 3, imm. 1-2, § 4, § 6, imm. 1, 3 aamma 6, § 9, imm. 2-3, § 11, § 12, § 18, imm. 5, aamma § 23-mik.</p> <p>2) Piaaraluni § 22-mik unioqputitsinermi.</p> <p>3) Ussassaarutininik assingusunik atuinermi, tak. § 5, imm. 1, eqqortinnagit aalajangersakkat § 5, imm. 2-miittut.</p> <p>4) § 10-mut akerliusumik ussassaarinermik ingerlatsinikkut.</p> <p>5) § 14, imm. 1 aamma 2-mut akerliusumik atuisartunut pisinissamik kaammattuinnikkut.</p> <p>6) Peqqussutaasunik § 15, imm. 2 aamma 3, § 17, imm. 1-2, 5 aamma 7-8, § 19 imaluunniit § 21 -imiittunik ilisimatitsissuteqannginnikkut.</p>

<p>peqqusissutigineqartut paasissutissanik tunniussinngitsoq.</p> <p>7) § 24, imm. 4, § 24, imm. 5 naapertorlugit paasissutissanik tunniussinngitsoortoq, imaluunniit pissutsinik Inatsisartut inatsisaanni pineqartunut ilaasunik eqqunngitsunik imaluunniit ukapaatitsisumik paasissutissiisoq.</p> <p>8) Inerteqquteqarnermik § 38 malillugu pineqaatissiissutigineqartumik unioqqutitsisoq.</p> <p><i>Imm. 2.</i> Najoqqutassanut Inatsisartut inatsisaat manna naapertorlugu atuutsinneqalersimasunut, Kalaallit Nunaanni pinerluttulerinermut inatsimmi maleruagassat malillugit akileeqqusissutitut iluseqartunik iliuusissanik aalajangersaasoqarsinnaavoq.</p> <p><i>Imm. 3.</i> Akileeqqusissummik aalajangersaaneq Inatsisartut inatsisaanni imaluunniit najoqqutassani Inatsisartut inatsisaat naapertorlugu atuutsinneqalersimasuni inatsisitigut tunngaveqarpat, akileeqqusissut Kalaallit Nunaanni pinerluttulerinermut inatsimmi maleruagassat malillugit pisinnaatitaasunut pisussaataitaasunullu peqqusissutigineqarsinnaavoq.</p> <p><i>Imm. 4.</i> Akileeqqusissutit Inatsisartut inatsisaat manna malillugu imaluunniit najoqqutassat Inatsisartut inatsisaat naapertorlugu aalajangersarneqartut malillugit pineqaatissiissutigineqartut Nunap karsianut tutsinneqassapput.</p>	<p>7) Paasissutissanik ilisimatitsinnnginnikkut imaluunniit isersinnaatitsinikkut § 24, imm. 4-5 naapertorlugit, imaluunniit pissutsini Inatsisartut Inatsisaannut ilaasuni pisortani oqartussanut eqqunngitsunik imaluunniit salloqittaalluni nalunaaruteqarnikkut.</p> <p>8) § 38 naapertorlugu eqqartuussivimmit inerteqqutaasunik ilaginnaanikkut.”</p>
	<p style="text-align: center;">§ 2</p> <p>Inatsisartut Inatsisaat atortuulerpoq ulloq 1. januar 2021.</p>

3. Aningaasaqarnikkut aamma allaffissornikkut pisortanut kingunerisassai

Nalilerneqarpoq siunnersuut malunnaatilinnik aningaasarsiornikkut aamma allaffissornikkut pisortanut kinguneqartussaannngitsoq.

4. Aningaasaqarnikkut aamma allaffissornikkut inuussutissarsiortunut kingunerisassai

Siunnersuut imaqarpoq aningaasarsiornikkut aamma allaffissornikkut inuussutissarsiortunut kingunissanik, aningaasartuutininik ilusilersuisarnerni atuutsitsinernilu akinut tunngasunik paasissutissanik kiffartuussinernut, kiisalu pinngitsoorani fakturamik suliaqartarnissamik suliat akiligassiissutaasussat suliarineqarsimanerisigut. Taamaattoq naliliisoqarpoq aningaasartuutit taamaattut killeqassasut, pineqarmat periaaseq ilisimaneqarluareersoq, maannalu annertungaatsiartumik atugaareersoq atuisartunut kiffartuussisarnernut atatillugu.

Inuussutissarsiortut isumaqatigiissutini ingerlaavartuni akitsuutininik atuisartut aammattaaq qularnaartartussaassavaat atugassarititaasut siumoortumillu takussutissiinissamik ilisimatitsisarnernup inatsisissatut siunnersuummi § 1, nr. 2-mik naammassinnittuusalermissaat, aningaasartuuteqarsinnaallutillu periaatsiminnik allannguinnissaminnut. Ersarissumik isumaqatigiissutissat inatsisinik tunngavissaqarneri akitsuutininik ingerlaavartumik isumaqatigiissutini allannguisinnaatitsisut, taakkualu siumut ilisimatitsissutigisarnissaat annertunerusutigut innuttaasunut eqqartuussiviit avaqqullugit inatsisitigut atortitsinermi atortooriissapput.

Akinut assigiissunut atatillugu akinik allagarsiissuteqartarneq pillugu aalajangersagassatut siunnersuutigineqartoq akinut tunngasunik allagarsiussat nutarterlugit iluarsaannissaannut aningaasartuutininik kinguneqassaaq.

§ 24, imm. 4-ip aamma 5-ip, oqaasertalerneqarnissaanut siunnersuutigineqartup malitsigisaanik piginnittussaataanerup innarlerneqarsinnaanngissuseqarnera pillugu tunngaviusumi akuliunneq, tunngaviusumik inatsimmi § 72-imut sanilliullugu, sakkukinneruvoq, tassami oqartussat kinaassutsimut uppernarsaammik sukumiisumik takutitsillutik, eqqartuussivimmi aalajangiinertaqanngitsumik, nakkutilliinissaq siunertaralugu suliffeqarfiup sullitaannut isersinnaatitaammata tassaniissinnaatitaallutillu.

Nittarsaassinerup aammalu nalunaaqutsersuinerup, niuertarfiup iniutaanni sullitanik eqquisussap, inatsisinut naapertuunnera misissorsinnaajumallugu, oqartussaneersut nakkutilliisussat sullitatuulli niuertarfiup iniutaannut isersinnaanissaat pisariaqartoq naliliisoqarpoq.

Akuliunnissamut tunngavissarititaasut pisariitsuummata aammalu paasiuminarlutik, aammalu oqartussat sullitanit nalinginnaasunit nalinginnaasumik takulertoruminarnerattuulli niuertarfiup iniutaannut isersinnaanissaat taamaallaat qulakkeerniarneqarmat, tamanna eqqartuussivimmi aalajangiinertaqanngitsumik akuliussinnaanissaq inatsisitigut isumannaatsuutitsinissamut tunngatillugu aarlerinaateqartutut isigineqanngilaq.

5. Avatangiisinut, pinngortitamut innuttaasullu peqqissusiannut kingunerisassai

Naatsorsuutigineqanngilaq siunnersuut avatangiisinut, pinngortitamut imaluunniit innuttaasut peqqissusiannut kinguneqassasoq.

6. Innuttaasunut kingunerisassai

Siunnersuut nalilerneqarpoq ajunngitsunik innuttaasunut kinguneqartussatut, atuisartunut paasissutissat annertunerulernerisigut, akitsuutit allanngortarnerini isumaqatigiissutini atuuttuusuni, kiisalu kiffartuussinernut akiusut eqqarsaatigalugit aamma.

7. Allatigut pingaaruteqartunik siunnersuutip kingunerisassai

Naatsorsuutigineqanngilaq siunnersuut allatigut pingaaruteqartunik kinguneqartussatut.

8. Pisortanik aamma kattuffinnik il.il. tusarniaaneri

Siunnersuut pisortatigoortumik Naalakkersuisut tusarniaaviatigut piffissami 26. november 2019-imiit 27. december 2019-imut tusarniaavigineqarnikuuvoq. Piffissami tassani siunnersuut aammattaaq makkunani tusarniaavigineqarnikuuvoq:

Kommuneqarfik Sermersooq, Kommune Kujalleq, Qeqqata Kommunia, Avannaata Kommunia, Kommune Qeqertalik, Sulisitsisut aammalu Nunatsinni Advokatit.

Tulliuttuni suliarineqassapput tusarniaanermi akissutit aammalu allannguinnissamut siunnersuutit tusarniaanermi tiguneqartut. Maluginiarneqarpoq tusarniaanermi akissutit uingasuni naqinnilerneqartut taamaallaat pingaarnersiorlugit oqaluttuarineqarmata pingaarnersiuilluni naliliineq aallaavigalugu.

Tusarniaanermut akissutit tamarmik tamakkerlugit Inatsisartuni ataatsimiititaliamut suliarinnittumut nassiunneqarnikuupput.

Tusarniaanermut akissutinik makkunanngaanniit tiguisoqarnikuuvoq:

Avannaata Kommunia, Qeqqata Kommunia, Kommune Kujalleq, Sulisitsisut, Nunatsinni Advokatit, aammalu Nuuk Købmandshandel A/S.

Sulisitsisut, Nunatsinni Advokatit, Qeqqata Kommunia, Kommune Kujallerlu nassiunneqartunut ilassutissaqanngillat.

Avannaata Kommunia allannguutissasut siunnersuut taperserpaa, aammalu taassuma saniatigut nassiunneqartunut ilassutissaqarani.

Nuuk Købmandshandel-ip oqaatigaa akitsuutit nutaat atuutsilersinneqarsinnaasut nalinnaasuni isumaqatigiissutini pissusissamisoortumik kalerriilluni, aammalu pisiniartup nammineq aalajangissagaa niueqatigiinneq ingerlatiinnassanerlugu imaluunniit isumaqatigiissut atorunnaarsissanerlugu.

Siunnersuut inuutissarsiutillit nutaanik akitsuutinik imaluunniit nalinnaasuni isumaqatigiissutini akitsuutit atuutereersut qaffaqqinnissaanut inerteqqusiinngilaq. Kisiannili tamanna pisiniartorlu isumaqatigiissutigineqassaaq, soorlu assersuutigalugu isumaqatigiissutit piunasaqaataanni taamaattut allannguinerit pisinnaasut. Aammalu isumaqatigiissutit piunasaqaataanni allaqqassaaq qaqugukkut aammalu suut aalajangiinerit tunngaviit malillugit suliffeqarfiup allannguisinnaanersoq aammalu akitsuutinik atuutsilersitsilluni.

Siunnersuut aammattaaq paasineqassaaq pigisat pillugit inatsisit nalinnaasut malittarisassa at isiginiartillugit, taamaasillunilu artornartorsiortitsisut allannguutit atuisartoqarnermi isumaqatigiissutini nalinnaasumik illuinnaasiortumik pisinnaanngimmata, tamanna pillugu immikkuullarissumik tunngavimmik isumaqatigiissummi peqartoqangippat.

Nuuk Købmandshandel-ip oqaatigaa assigiimmik akeqartitsinerit piviusumik takutitsisuunngitsut suna pisiassaq akikinnerunersoq imaluunniit pitsaanerunersoq, pissutigalugu kiilumut akit errorsinermut qaqorsaatin pisiassani assigiinngitsuni marlunni assigiimmik pitsaassuseqartannngimmata.

Assigiimmik akeqartitsinermut paasissutissat pingaarnertut siunertarivaat atuisartunut ikiuiniarlutik sanilliussinermut akit annertussutsillu akornanni, aammalu akit pitsaassutsillu akornanniunngitsoq.

Taamaattumik taamaallaat naleqquttumik ataasiinnarmik arlaliusuni angissuseqartitsissaaq, kisiannili atuisartumut isumannaarinnilluni paasititsiinissamut periarfissiilluni, tamannalu taamaallaat attuumassuteqarsinnaasaraluartoq assigiinngitsuni pisiassani naleqqiussinermi.

Qaqorsaatinut tunngatillugu nassuiaatini allassimasutut, nalinginnaasumik errorsinermut atorpeqartussat annertussusaannut sanilliullugu ataatsip akia atorpeqassasoq, assersuutigalugu aalajangersaanissamik Naalakkersuisut periarfissaqassapput.

Aammattaaq Naalakkersuisut allanut pisiassanut tunngatillugu malittarisassiinnaapput akia allamut naatsorsuussinermut sanilliullugu oqaatigineqassanersoq, tamanna toqqaannartumik atuisartumut paasissutissiinermik atorluarneqarnerusinnaasumik pissarsititsissappat assersuutigalugu kiilumut akinik paasititsiinnarnermut sanilliullugu.

Nuuk Købmandshandel-ip oqaatigaa pisariusoq assigiinngitsut ilisarnaaserlugu tuniniakkat assigiimmik akeqartitsinikkut sanilliunnissaat, pisiniartullu tamatigut paasissutissanik naassaartuaannarsinnaannginnerat assigiimmik akeqartinnera pillugu, aammalu inatsisiliorneq assigiimmik akeqartitsineq pillugu paasissutissiivallaarnermik kinguneqarsinnaasoq, taamaasillunilu pisiniartut paasissutissat naleqqunnerit arajutsisinnaallugit.

Siunertaanngilaq siunnersuummi assigiinnik akeqartitsinermut paasissutissiineq nammineerluni tamakkiisumik sanilliussinissamut tunngaviunissaaa. Assigiinnik akeqartitsinermut atuisartunut paasissutissiinermi siunertaavoq, tunisinissaq ataaseq pissutaaqataasoq pillugu pissutaasut arlallit akornanni, tamannalu naleqquttuusinnaasoq ilanngunnissaa nioqqutissat assigiinngitsut sanilliunneranni.

Assigiinnik akeqartitsinerup tamatigut naleqquttuusinnaannginnerat malittarisassat ilusilersorneranni Naalakkersuisunit aalajangiunneqartussaasut isiginiartariaqarput. Tamannali allannguinnissamut uani siunnersuummi pissutissaqartitsinngilaq, tamannalu Naalakkersuisunut tamanna pillugu malittarisassanik aalajangiisinnaanermut tunngassuteqarluni.

Nalilerneqarpoq piumasaqarneq assigiinnik akeqartitsinermut paasissutissiinerup nammineerluni paasissutissiivallaarnerunngitsoq. Tamanna naatsorsuutiginngisamik ajornartorsiutaalissappat siunnersuutigineqartup § 17, imm. 9, nr. 2-ip periarfissitsivoq Naalakkersuisunut paasissutissat tunniunneqartut killiliinissaanut malittarisassanik aalajangiisinnaanngortillugu.

Nuuk Købmandshandel-ip oqaatigaa assigiinngitsuni assigiinnik akeqartitsinermut paasissutissiineq naleqqutinngitsuusinnaasoq soorlu assersuutigalugu nerisassat aammalu nerisassat allattorfiini tunisinermi.

Inuussutissarsiornermut, Nukissiuteqarnermut, Ilisimatusarnermut, Suliffeqarnermullu Naalakkersuisoqarfiup isumaqatigaa assigiinngitsuni piumasaqarneq assigiimmik akeqartitsinermut paasissutissiinissamut naleqquttuunngiffeqartoq imaluunniit tulluanngitsoq. Tamannali pissutissaanngilaq taassuma siunnersuutigineqartup piginnaatitaanera uani allannguutissatut siunnersuummi allanngortinnissaanut, kisiannili assigiimmik akeqartitsineq pillugu inatsisit ilusilersorneqarneranni isiginiarneqartariaqarluni, tamannalu piginnaatitaaneq malillugu Naalakkersuisuniit aalajangerneqarsinnaalluni.

Nuuk Købmandshandel-ip oqaatigaa akiligassat annertussusaat pillugit erseqqarinnerusariaqartut, taakkualu aalajangiunneqarsinnaasut siunnersuutigineqartumi § 39, imm. 1-imi, aammalu suut pissutaaqataanersut aalajangiinnermi.

§ 39, imm. 1-imut oqaaseqaatit allisinneqarnikuupput annikitsumik allaatiginninnermik suut naliginnaasumik akiligassiinermi ilanngunneqartassanersut.

Inatsisissami siunnersuummi oqaaseqaatini pissutissaqanngilaq akiligassat annertussusissaannik aalajangiissalluni, pissutigalugu annertussusaat sulii eqqartuussisarneq malillugu malinneqassammata.

Nuuk Købmandshandel-ip oqaatigaa oqaatigineqartariaqartoq sorliit paragraffit ataasiakkaat unioqqutitsinertaa ttamatigut akiligassiinermik kinguneqartassanersoq, aammalu allat mianersoqqussutinik/inissiinermik taamaallaat siulliullutik kinguneqartassanersut.

Allannguutissatut siunnersuutip sunningilai ussassaarisarneq pillugu inatsimmi § 25, aammalu taamaasilluni pissutissaqartinnagu oqaaseqaatissanik ikkussinissaq tamanna pillugu suut pissutaaqataasut naliliinermi aqutsinermi qisuariarnermut paasineqartumut unioqqutitsinermut, taassumalu ataani qaqagukkut politiinut pisumut tunngatillugu nalunaaruteqartoqartassanersoq.

Siunnersuummi aalajangersakkanut ataasiakkaanut nassuiaatit

§ 1 -imut

Nr. 1-imut (*§ 17 –imi*)

Imm. 1-imi aalajangersakkami tassani aalajangiunneqarpoq maannamut ileqqusutut, nioqqutit atuisartunut neqeroorutigineqartut ilassuserneqartassasut paasissutissanik nioqqutip ataatsimoortumik akianut tungasunik. Ataatsimoortumik nioqqutip akiatut paasineqartarpoq inaarutaasumik akiliutigineqartussatut, imalunniit nioqqutit ataatsimoortut akiatut, ilanngutereerlugit akitsuutit, aningaasartuutit aamma akitsuusiinikkut akileraarut.

Nioqqutaasumik akiusoq ataatsimoortoq ilisimatitsissutigineqartarpoq nalinginnaasumik, kisiannili nioqqutip ilaanut akiusinnaalluni, assersuutigalugu ataasiakkaanut uuttuutit atorlugit nioqqutigineqartarpat. Assersuutigalugu mamakujuttuni nammineq tigooraalluni akuleriissitassani 100 gram-imut akiusoq.

Aalajangersakkami ilaapput nioqqutit pisiniarfimmi namminermi saqqumititat, niuertarfinni imaluunniit inini allani atuisartut iserfigisinnaasaanni, kiisalu nioqqutissat assigisaanik pisiniarfiup nammineq avataani nioqqutigineqartartut.

Pisiniarfiup igalaavinut nioqqutissanik saqqummiiviusunut tunngatillugu akit allassimaffii imaaliinnarluni atuarneqarsinnaassapput, igalaat silataanni isiginnaartunit. Piumasaanngilat nioqqutit saqqumisut tamarmik akii ersissasut, kisiannili nalunaaqtsersuineq allagartat allatullu akinut paasissutissat imatut suliaassapput apeqquserneqarsinnaassanani atuisartumit nioqqutaasoq qanoq akeqarnersoq.

Aalajangersagarlu ilutigisaanik atuutissaaq nioqqutit elektroniskiusumik atuisartunut inniminniisinnaallutik neqeroorutigineqarfigisaannut. Inniminniisoqarsinnaassaaq nioqqutaasoq qarasaasiami koorumut ilineqarsinnaapput, imaluunniit qppersakkami tassani nalunaartoqarpat e-mail adressimik, inniminniiffiusinnaasumik.

Aalajangersakkap inuussutissarsiortoq assigiinngitsunik periarfissaqartippaa internet-imi pisiniartarfinni nioqqutit akiinut tunngasunik paasissutissiisinaanermut, aalajangersakkami ersarissuliornissamik piumasaqaat naammassineqarsimatillugu. Tassa imaappoq, atuisartoq sukkasuumik pisariitsumillu nammineerluni nioqqutip akianik paasinaasinnaassasoq, akinillu sanilliussisinnaaneq ajornarnerulersinneqassanngitsaq. Taamaattumillu imaanngilaq pinngitsoorani nioqqut tuniniarneqartoq siullermeersumik internet-imi pisiniarfimmi saqqummiunneqarpat akinut paasissutissiisoqartariaqartoq.

Akinut tunngasunik paasissutissiinissamut piumasaqaat internet-imi pisiniarfimmi naammassineqarsimassaaq, atuisartup sukkasuumik pisariitsumillu nioqqutip akia paasisinnaappagu. Assersuutigalugu taamaassaaq atuisartup siullermeersumik ilisarititsinermit ingerlaqqiffigisinnaappagu qupperneq nioqqutip akianik paasissutissiiviusoq.

Akiusoq ilisimatitsissutigineqartussa q tassavoq niuertarfimmi pineqartumi nalinginnaasumik tunisinermit akigitinneqartartoq. Akikilliliissutit - rabattit – pisiniartartunut aalajangersimasunut sammititaasut akiani ersissanngillat. Ataatsimut assigiimmik akikilliliissuteqarpat atuisartunut tamanut atuuttumik nioqqummi aalajangersimasumi, akikilliliissutaasoq taanna – rabatti – akianit ilannganneqareersimassaaq allagarsiissutaasumi.

Aalajangersagaq akornusiinngilaq akinut tunngasunik allanik aamma paasissutissiisinaanermut, assersuutigalugu sioqqullugu akiusimasoq imaluunniit ilaasortanut akiusoq, taamaaliorneq akornusiitinnagu atuisartup nioqqutip akianik paasinninnissaanik, akitsuutaasut, aningaasartuutaasut aammalu akileraarutit akitsuutaasut eqqarsaatigalugit.

Inuussutissarsiutit aalajangersimasut iluanni akilersuinerup inissisimaffianut tunngatillugu periaatsit nalinginnaasut akuerisaasut atorneqarpata, taakkua atorneqarsinnaapput, tassami taakkua inuussutissarsiutit pineqartut iluanni nalinginnaasumik ilisimaneqassammata.

§ 17, imm. 2-imi aalajangersakkami siunnersuutigineqartumi, oqaaseqatigiit siulliat aqqutigalugu eqqunneqassaaq ataatsimut isigisumik akinut tunngasunik paasissutissiisarneq inuussutissarsiutini atuisartunut kiffartuussinernik neqeroornerni, siumoortumik aalajangiisoqareersimatillugu akiusussamik ataatsimoortumik kiffartuussinermut pineqartumut.

Aalajangersakkap kinguneraa inuussutissarsiortut kiffartuussissutinik neqerooruteqartat aalajangersimasumik ataatsimoortumik akiusussamik tunngaveqartunik, allagartaliinikkut, allagarsiinikkut allatulluunniit ersarissumik kiffartuussissutaasup akianik paasissutissiisussaasut. Assersuutigalugu kiffartuussinertut ataatsimoortumik akiusumik ilisimatitsiviusutut eqqaaneqarsinnaavoq nujaajaaneq imaluunniit nutsanik nujalerisumi qalipatitsineq, eqqartuussissuserisut illusinermit illumik piginnittuunermut uppernarsaammik skødemik allattarnerat imaluunniit testamentiliortarneq.

Aalajangersagaq taamaallaat atortinneqassaaq akiusoq kiffartuussinermut pineqartumut siumoortumik inuussutissarsiortumiit aalajangersarneqareersimappat. Tamatumani apeqqutaanngilaq akiusoq piffissap ingerlanerani allanngortarnerisooq, piffissami aalajangersimasumi aalajangersimasuuguni naammammatt. Pisartagaqarnermut

isumaqatigiissut - abonnement – siumoortumik piffissamik akiusup atuuffianik aalajangersaaffioreersoq ilaavoq, taamaannanili atuinerup annertussusianik tunngaveqartumik akiliuteqartarnermik – abonnement – atorlugu aaqqissuussineq.

Pisussaaffik atuuppoq nioqquteqartoqarpat imaluunniit kiffartuussinernik inniminniisoqarpat inuussutissarsiortup aalajangersimasumik niuerfianiit, tassa imaappoq ininit nammineq niuerfigisaaniit imaluunniit sannavianiit, atuisartut nalinginnaasumik iserfigisinnaasaaniit. Aamma akinut paasissutissiisoqartussaavoq pisiassanik imaluunniit kiffartuussinernik elektroniskimik inniminniisoqarsinnaappat, assersuutigalugu inuussutissarsiortup qppersagaaniit. Paarlattuanilli pisussaaffik atuutinngilaq, atuisartuq inuit tamat najortagaanni taxa-mik unititsilluni angallanneqalerpat, imaluunniit inuussutissarsiortumut namminermt oqarasuaatikkut attaveqarpat.

Paasissutissat ersarissumik tunniunneqassapput. Taakkua assersuutigalugu tunniunneqassapput allagarsiussatut imaluunniit akinut allattorsimaffikkut. Akinut tunngasunik paasissutissat tamatigut malinnaatinneqarsimasassapput, pissarsiarineqarsinnaassapput inimi niuerfimmi namminermt avataaniluunniit, imaalillugit atuisartuq niuertarfimmi sulisunut saaffiginningikkaluarluni akinik paasinnissinnaatinneqassalluni. Pisut malillugit, periarfissaq taanna paasissutissiissutigineqarpat aammalu periaasissaq ersarissumik ilitersuussutigineqarsimappat, atuisartut niuertarfiup iniutaani qarasaasiami atugassiissutigineqartumi paasissutissanik pisariitsumik ujaasisinnaanissaat naammassinnaavoq.

Paasissutissiisussaataaneq naammassineqarsinnaassaaq kiffartuussinissap pineqartup akia soqtigisaminik suussusileereeraangat ingerlaannaq ersertarpat. Assersuutigalugu kiffartuussinissap pineqartup qppersakkami toorneratigut imaluunniit ujarliummi ujugassat aalajangersimasut toqqarnerisigut, inuussutissarsiortup nammineq qppersagaataani.

Inuussutissarsiortup assersuutigalugu siumut qaammatinut arlaqartunut kiffartuussinissat, soorlu umiarsuarmut ilaanissamut imaluunniit timmisartumut bilitsit neqeroorutigippagit, naammassaaq akiusoq aatsaat ersertarpat atuisartup piffissami sumiittumi atuiniarnera.

Inuussutissarsiortup kiffartuussinernit assigiinngitsut amerlasuut neqeroorutigisarpagit, paasiuminaallissaaq tamarmik immikkut akiinik ataasiakkaanut nalunaarsuisoqassappat, paasissutissiisussaanerlu siunnersuutigineqartoq § 17, imm. 2 oqaaseqatigiit appaat naapertorlugu naammassineqarsinnaassalluni kiffartuussinernut naleqquttunut akiusussanik ersersitsinikkut, nalunaarsuusiornikkut imaluunniit akit allassimaffiatigut. Toqqartuinerni taamaallaat isiginiarneqassanngillat kiffartuussinernit qanoq akulikitsigisarnissaat, kisiannili ilutigisaanik akit allassimaffiata akikinnerpaanik akisunernillu ersersitsisuunissaa.

Aalajangersakkami pineqanngillat aningaasarsiornikkut kiffartuussisarnerit, tamanna ima paasineqassalluni; kiffartuussinerit suulluunniit aningaaserivinnut, attartugassarsisarnernut, sillimmasiisarnernut, inunnut ataasiakkaanut soraarnerussutisiassanik, aaqqissuussisarnernut imaluunniit akilersuisarnernut kiffartuussisarnerit.

Imm. 3-mi aalajangersakkami aqunneqarput kiffartuussinerit neqeroorutigineqartut nioqquteqarfimmiit aalajangersimasumeersut, kiisalu internet-ikkut inniminniisinnaaneq, siumoortumik ataatsimut akiusussamik kiffartuussinerimut aalajangersaasoqareersimangippat.

Aaqqissuussinerni taama ittuni inuussutissarsiortoq taamaallaat pisussaaffeqarpoq siumoortumik kiffartuussinerit pineqartut akiinut tunngasunik paasissutissiinissamik, atuisartup tamanna piumasarippagu, inatsisitigut – soorlu atuisartut isumaqatigiissuteqartarnerannut inatsisini pineqartunik.

Piumasaqaateqanngilaq atuisartup piumasaqaataata qanoq sutigulluunniit suliaanissaanut, aallaavittullu aamma inuussutissarsiortup akissuteqarnissaanut tunngasuni. Atuisartumiilli allakkatigut piumasaqaat allakkatigut akineqartussaavoq, atuisartuq ersarissumik allatut qinnuteqarsimangippat, tak. ataani imm. 4-mut nassuiaatit.

Piumasaqaatip akissuteqarfigineqarnera pisimassaaq atuisartup pituttuiffiusumik isumaqatigiissuteqarnissaa sioqqullugu. Inuussutissarsiortup isumaqatigiissuteqarnissaaq sioqqullugu atuisartuq paasissutissanik ilassutinik piumasaqarfigisinnaavaa, piumasaqaataata akissuteqarfiginissaanut pisariaqartunik. Assersuutigalugu suliffeqarfik pequtinik nuussisartuq piumasaqarsinnaavoq atuisup nuutassaatinut assiutaanik, imaluunniit nuutassat suussusiisa takusarsimanissaanik, neqerooruteqannginnermi akiusussanulluunniit missingersuuteqannginnermi.

Aallaaviusutut pissusissamisuussanngilaq ussassaarisarnermilu ileqquusunik pitsaasunik sanioqqutsinerussalluni atuisartumut isumaqatigiissuteqarumanginneq, atuisartup imm. 3 naapertorlugu pisinnaatitaaffimminik atuisimanera. Tamannali atuutissanngilaq atuisartup naammattumik naapigiaalluni peqataaffigiumangippagu inuussutissarsiortup pisussaaffimminik naammassinnikkumalluni suliniarnera.

Inuussutissarsiortup aallaavittut akiusoq aalajangersimasoq ilisimatitsissutigisariaqarpaa, imaluunniit missingersuusiamik immikkuualuttortalersorluakkamik tunniussilluni, atuisartup akiusussap sumiinnissaa paasisaqarfiginiassammagu. Akiusussaq naammattumik eqqortuussusilimmik tagginneqarsinnaangippat, piffissap atorneqarumaartup qanoq sivistiginissaa apequtaassamat, taava inuussutissarsiortup akiusussamik

naatsorsuisarnermini periaatsini paasissutissiissutigisinnaavaa, taamaalu atuisartooq periarfissaqartillugu kingornagut akiulersumik missingersuisinnaanissaanut.

Taamaasillunilu taarsiullugu ilisimatitsissutigineqartussaassaaq akiusooq qanoq naatsorsorneqartarnersoq, ussassaarisarnermut inatsimmi § 14, imm. 2-mi periaasiusup assigisaanik, kiisalu § 11, imm. 1, nr. 3 Peqqussummi nr. 989 ulloq 14. oktober 2011-imeersumi atuisartut Kalaallit Nunaanni isumaqatigiissuteqartarnerat pillugu atuuttuusumi (atuisartut isumaqatigiissuteqartarnerannut inatsit).

Isumaqatigiissuteqannginnermi ajornavippat akiusussap naatsorsorneqarnissaani tunngaviujumaartunik ersarinnerusumik ilisimatitsissuteqarsinnaaneq, akiusussamik naatsorsuinissami assersuutigalugu aserorsimasut iluarsarneqareerpata atsaat ersarississammat atortorissaarutinut taartissat qanoq ittut atornerqarumaarneri, taava tamanna ilisimatitsissutigineqaannassaaq.

Akiusussamik naatsorsuisarnermi periaatsimut assersuutitut nalunaarneqassaaq natermik lakkiinissaaq, neqeroorutigineqartartooq kvartratmeterimut aalajangersimasumik akeqartussatut imaluunniit akunnernik qassinik naleqartussatut, ilaannikkut tunngaviusumik akiusumik aallaaveqartartooq. Tamatumani atuisartumut ajornassanngilaq akiusussaaq nammineq missingersussallugu natermik uuttortaanikkut lakkerneqartussamik. Akiusorlu tassani assersuutigalugu ilisimatitsissutigineqarsinnaavoq “kvartratmeterimut 50 kr.-ini, suliamillu aallartitsinermit 500 kr.-i”.

Assersuut alla tassaavoq abonnementit atuinermik naatsorsuinermit tunngavillit. Neqerooruteqartup aningaasartuutit aalajangersimasut abonnementimut ilisimatitsissutigippagit aningaasanngorlugit, atuisartup pinngitsoorani akiligassaatut, nikerartunillu aningaasartuutaasut, taava atuisartumut ajornassanngilaq kiffartuussinerup akigisaa misilillugu naatsorsussallugu.

Akiusumik naatsorsuinermit tunngaviusut aamma ilisimatitsissutigineqartussaapput, atuisartumut siumoortumik naatsorsorneqarsinnaassanngikkaluartooq inaarutaasumik akiujumaartooq taanna tunngavigalugu, kisiannili taamaallaat missingersuisinnaanermut atornerqarsinnaagaluartooq. Assersuutigalugu nal. ak. akiusooq kisiat ilisimatitsissutigineqarmat siumoortumik kisiannili piffissaaq atornerqartussaajumaartooq pinnagu.

Tamannalu atuutissaaq apeqqutaatinnagu inuussutissarsiortut assigiinngitsut piffissamik atuisarnerat assigiinngissinnaasoq, taamaattumillu akiusumik naatsorsuinermit paasissutissat imaaliinnarlugit sanilliunneqarsinnaassanngikkaluartut. Inuussutissarsiortoq akunnermut qaffasissumik akeqartitsisartooq, kisiannili akikinnerulluni allaniit piffissamik sivikinnerusumik atuisarami, tamanna pillugu paasissutissiisinnavaoq ussassaarinermini

akiusssaaffeqarluni pilerisaarutit sanilliunneqarsinnaanerannut aammalu paatsiveerusaqqusaannginnermik aalajangersakkamik, imaluunniit nammineq naliliisinnaalluni piffissamik atorumaakkaminik neqeroorlunilu, imaluunniit taarsiullugu akiusussamut missingersuusiorluni.

Aalajangersakkami pineqanngillat aningaasarsiornikkut kiffartuussisarnerit, tamanna ima paasineqassalluni; kiffartuussinerit suulluunniit aningaaserivinnut, attartugassarsisarnernut, sillimmasiisarnernut, inunnut ataasiakkaanut soraarnerussutisiassanik aaqqissuussisarnernut imaluunniit akilersuisarnernut kiffartuussisarnerit.

Imm. 4-mi aalajangersakkami siunnersuutigineqarpoq atuisartup saaffiginnissutini imm. 3 naapertorlugu allaganngorlugu saqqummiussimappagu inuussutissarsiortup paasissutissaatini allaganngorlugit tunniutissagai, atuisartuq ersarissumik allatut piumasaqarsimangippat.

Allaganngorlugu paasineqassaaq teknologiinik atortulersuuteqarnermut atatillugu pitussimangitsutut, tassaniippullu assersuutigalugit saaffiginnissut e-mail atorlugu, SMS imaluunniit tusaatini assigiinngitsuni atortorissaarutit, soorluttaaq akiusunut paasissutissiissutit atortulersuutit pineqartut atorlugit aamma tunniunneqarsinnaasut.

Inuussutissarsiortuq nammineerluni quppersakkamini akiusunik naatsorsuisarnernut assersuuteqarsimappat kiffartuussisarnerminut atatillugu, taava naammassaaq akisummi elektroniskiusumi taakkununga link-imik attaviliisoqarnissaa, atuisartumut ajornangippat pisariitsumik paasissutissanik toortaanikkut aallernissaa, anillatitsisinnaanissaaluunniit.

Naalackersuisut nalunaarusiornikkut piumasaqaatit saneqqunneqarsinnaaneri aqqtissiuussinavaat, tak. § 17, imm. 9, inuussutissarsiutit sammiviini tamanna pisariaqartinneqarsimappat.

Imm. 5-imi aalajangersakkami siunnersuutigineqarpoq inuussutissarsiortut sulianut akiligassiissuteqartarlutik kiffartuussinernik suliaqartartut ataatsimut isigaluni pisussaaffilerneqassasut atuisartunut immikkuualuttortalersukkanik akiligassiissuteqartassasut, atuisartumut periarfissaqartitsisunik kiffartuussinermi atortunut akiusunik kiffartuussinermillu namminermik nakkutilliisinnaanermut. Ataatsimut isigisumik fakturaliortussaanaermut pisussaaffik siumoortumik kiffartuussinermut akiusussamik nalunaartoqarfiusimangitsuni atuisartumut qularnaarisassaaq nalilersuisinnaanermut akiusumik, inuussutissarsiortup kiffartuussinerninut akilersissallugu pisinnaatitaaffigisaanik.

Aalajangersagaq naapertorlugu ilisimatitsisoqartassaaq nal. ak. akiusumik, akunnernut atorpeqartunut kiisalu atortussanik atuisoqarsimatillugu taamaattut kiffartuussinermut akiusunut sunniutaannik. Atortussanik atuinermut tunngatillugu, pisut ilaanni

ajornartassanngilaq tamakkua nalunaarsornissaat, kisiannili atortussanik atuineq tamatigut akiusumut sunniuteqartassanani. Pisunilu taamaattuni inuussutissarsiortup atortut paasissutissiisummi ilannguttariaqartassanngilai. Suliامي ikiorsiissutaasut annikinnerusut ataatsimoortumik nalunaarneqarsinnaapput, taamalu inuussutissarsiortoq pisussaassanani immikkuualuttut mikisuaqqat kiffartuussinermi atorineqartut tamaasa ilannguttarnissaannut. Taamaasillunilu inuussutissarsiortumut periarfissaassaaq atortut kikissat, skruet aamma assigisaat ataatsimoortutut nalunaarsinnaavai. Ataatsimut aningaasartuutit nalunaarsorneqarneranni ikiorsiissutit annertussusiat isiginiarneqartassaaq atortorissaarutinik atuinermut tamarmiusumut sanilliullugu.

Paasissutissat tamakkua saniatigut pisariaqarsinnaavoq regningimi akiligassiissutaasumi ilassutitut paasissutissiinissaq, atuisartoq tamakkiisumik paasissutissikkumallugu kiffartuussineq sunik imaqarsimanersoq. tak siunnersuutigineqartumut § 17, imm. 7-imut ataani oqaaseqaatit.

Aalajangersagarli akornusiinngilaq inuussutissarsiortup atuisartumut suli amerlanerusunik paasissutissiisinnaaneranut. Assersuutigalugu tamakkua tassaasinnaapput paasissutissat akiusut aallaaviinut tunngasut imaluunniit biilnik angallassisimanerit.

Imm. 6-imi aalajangersakkami siunnersuutigineqarpoq inuussutissarsiortup tamakkiisumik ilaannakuusumilluunniit paasissutissat imm. 5-imi pineqartut paasissutissanik allanik taarsertarsinnaagai, tamanna atuisartumut isumaqatigiissutaasimappat, imaluunniit inuussutissarsiutit sammivianni pineqartumi ileqqusut tunngavigalugit. Taamaasillunilu inuussutissarsiortumut periarfissaassaaq paasissutissanik imm. 5-imi eqqaaneqartunik allanik taarsiisinnaaneq, assersuutigalugu aalajangersimasumik akiusartunut tunngasunik. Ilanngullugulu suliap ilaa suliassinneqartunit allanit allequtaasunit suliarineqartoq ataatsimoortumik akianik nalunaarsinnaavaa.

Ilaannikkut imaassinnaasarpog atuisartumut pitsaanerusog paasissutissanik allanik tunineqarnissaq imm. 5-imi paasissutissanut pineqartunut taarsiullugit. Assersuutigalugu aalajangersimasunik akiusut atuisartumut toqqaannartumik ikiorsiisinnaapput akinik sanilliussinnaanermut, kiffartuussisartut allat arlallit akigititaat eqqarsaatigalugit. Inuussutissarsiutillu sammiviisa ilaanni ileqqusinnaasarpog aalajangersimasut akigitittakkat fakturami atortarneri, sullissinernut aalajangersimasunut, imaluunniit periaatsimik pissusissamisoornerusumik ineriartortitsisoqarsinnaasarluni paasissutissanillu allanik tunniussuilluni, imm. 5-imi pineqanngitsunik.

Imm. 7-imi aalajangersakkami siunnersuutigineqarpoq inuussutissarsiortoq atuisartup piumasagarneratigut ilassutitut paasissutissiisassasoq, atuisartumik

periarfissaqartitsilertussamik nioqqutit tamarmiusumik akiusup iluaniittunik akiinik nakkutilliisinnaalersitsisumik.

Aalajangersakkap tamatuma tunuliaqutaraa atuisartuq pisariaqartitsisinnaammat ilassutitut paasissutissanik kiffartuussinermi ilaasunik akinik nalilersuinissamik. Ilassutitut paasissutissiissutissat imm. 7 naapertorlugu amerlanertigut tassaasinnaapput akitsuutitut tungaviusunut paasissutissat, angallassineq, allanit sullinneqarneq, ilassutitut akiliut biilnik angallassinermut aamma / imaluunniit suliffiup nalinginnaasup avataatigut biilnik angallassineq, atortussanik attartorneq aamma sillimmasiinerit.

Imm. 7 naapertorlugu piunasaqarneq tunniunneqassaaq piffissaqartitsilluni, atuisartup akiligassiisummik tigusineraniit, nalinginnaasumik qaammatip missaaniittartumik, akiligassiisummik tigusaqarnermiit, nunap pissusaata aammalu silamik pequteqartumik pissutsit immikkut ittut pissutigalugit pisumi piffissaq sivisunerusoq naleqqussimappat.

Imm. 8-mi aalajangersakkami tassani ingerlateqqinneqarput oqaatitsigut allannguinerit arlaqartut ussasaarisarnermut inatsimmi atuuttumi § 17, imm. 4-miittut. Oqaatsinik allannguinnikkut pineqartutigut siunnerfiunngilaq pissusiviusunik allannguinnissaq.

Imm. 9-mi aalajangersakkami Naalakkersuisut piginnaatinneqarput, allaffissornermut assigiinngitsunut tunngatillugu malittarisassiisinnaasut.

Siunnersuutigineqarpoq nr. 1-imi ikkunneqassasoq piginnaatitsissut malittarisassanik immikkut ittunik aalajangersaasinnaanermut aamma § 17, imm.1-7-imi aalajangersakkanik sanioqqutsisinnaanermut malittarisassat. Paasinarsissappat akinut tunngasunik paasissutissiisarnerup pisortatigoortumik aqunneqarneranut atatillugu pissusissamisunngitsunik atugassaqartitsisoqartoq, imaluunniit immikkut ittunik malittarisassiornissaq pisariaqartoq, aalajangersakkami namminermi oqaasertaasut avataaniittunik, piginnaatitsissut manna ammaassivoq allaffissornikkut pineqartut pillugit maleruagassiorsinnaanermut. Aalajangersakkami oqaasertat naapertorlugit taanna atornerqarsinnaavoq nioqqutissanut aamma kiffartuussinernut tunngatillugu akinut paasissutissanut, kiisalu aamma akiligassiisummik fakturamik suliaqartarnermi piunasaqaatinut tunngasuni.

Ataatsimut isigisumik akinut tunngasumik malittarisassap tamatuma siunertaata taamaattoq ilagaa suliaqarfimmi assigiinngisitaartunik aqutsinermut aalajangersagaqalernissaa. Taamaattumillu piginnaatitsissut immikkut ittunik maleruagassiorsinnaanermut aammalu § 17, imm. 1-7-imi aalajangersakkanik sanioqqutsisinnaaneq pillugit tunuarsimaartumik killilimmillu atornerqassasoq tunngavissaatinneqarpoq. Piginnaatitsissut atornerqarsinnaavoq

atuisartunut immikkuullarissumik isiginiagassani pisariaqartillugu aammalu inuussutissarsiortunut tunngasunik isiginiagassaartillugu.

Assersuutitut eqqaaneqarsinnaavoq kiffartuussineq aalajangersimalluinnartoq, akinut paasissutissiinissamik pisariaqartitsiviunngitsoq § 17, imm. 2 naapertorlugu, kisiannili kingusinnerusukkut erserpat annertuutigut ajornartorsiutigineqartoq akit akimut ersittuutinniarneri. Tamatumani pisinnaatitsineq § 17, imm. 9, nr. 1 naapertorlugu atortitsinnaaneq immikkut ittunik maleruagassiornissaq siunnerfigalugu. Assigisaanillu malittarisassaq atorneqarsinnaavoq inuussutissarsiutit sammivianni aalajangersimasumi pisariaqarlunnarpat immikkut malittarisassiornissaq fakturaliortarnermut, akinik akimut ersertitsineq qularnaarumallugu.

Nr. 2-mi siunnersuutigineqarpoq piginnaatitsissummik ikkussisoqarnissaa malittarisassiorsinnaanermut akinut tunngasunik paasissutissiisarnemi periusissat pillugit, aamma paasissutissat tunniunneqartartut killilerneqartarnissaat pillugu. Piginnaatitsissut atorneqarsinnaavoq ataatsimut isigisumik paasinarsippat, imaluunniit inuussutissarsiutit sammiviisa ilaanni paasinarsippat periaatsit nalunaaruteqartarneni aammalu tusagassiutit atorneqartartut atuisartunut ajornartorsiortitsisartut. Assersuutigalugu inuussutissarsiortup tappiitsunut allattaatsit pillugit pikkorissartitsiniartup pilerisaarutigineranni akinut tunngasunik paasissutissat § 17, imm. 3 naapertorlugu allattaaseq nalinginnaasoq kisiat atorpagu. Piginnaatitsineq aamma atorneqarsinnaassaaq inuussutissarsiortut pisussaaffeqannginnissaannut nioqqutini akiusup ilaani aningaasartuutaasut pillugit, aalajangersarlugulu tamakkua immikkut paasissutissiissutigineqassasut.

Piginnaatitsissut aamma atorneqarsinnaavoq § 17, imm. 3 naapertorlugu akinut paasissutissat paasissutissarpasuit pisariaqanngitsut akornanni tammaannarneranni, neqeroorutit akiinik sanilliussisinnaaneq ajornakusuulersillugu.

Naatsorsuutigineqarpoq piginnaatitsissutitut aalajangersagaq killilimmik atorneqartassasoq. Piginnaatitsissut atorneqarsinnaassanngilaq akinut tunngasunik paasissutissiissutaasartunik atorunnaarsitsinernut killiliinernulluunniit, inatsisini allani akinut tunngasunik aalajangersakkanik tunngavilinnut.

Siunnersuutigineqarpoq nr. 3-mi piginnaatitsissut malittarisassiorsinnaanermut imm. 1-imisulli nioqqutip akianik uuttuutikkaartumik ilisimatitsinissamik aaqqissuussinissamik, uuttuullu atorneqartoq nioqqutissaqatigiinni ataasiakkaanut aamma atorlugu aaqqissuussinissamut.

Malittarisassat taamaattut kingunerissavaat nioqqutip tunineqarnermini akissaa aammalu ataatsimoortutut akiusup ilisimatitsissutigineqarnissaat, assersuutigalugu nioqqutip nammineq

akia aammalu taassuma kiilumut akia. Piginnaatitsissut aamma atorneqarsinnaassaaq ataatsimut isigisunik malittarisassiorsinnaanermut, aamma paasissutissiisoqartassasoq nioqqutit aalajangersimasut ataatsimoortutut akiinik, kiisalu aamma immikkuullarinnerusumik uuttuutit aalajangersimasut atorlugit akiusumik, soorlu kiilumut akiusumik, equutsissanut kiilumut akiusumik ilisimatitsineq, tape-it miiterimut akianik ilisimatitsineq imaluunniit errorsinermut qaqorsaait errorsinermut ataatsimut akiat.

Kiisalu aamma tuniniaanissanik nittarsaassisarnermut inatsimmi maanna atuuttumi § 16, imm 1-imi aalajangersakkap kingunerisaanik malittarisassiorqarsinnaassaaq nioqqutip ilanngaatisat ilanngaatigereerlugit imarisaanut paasissutissat pillugit.

Naalackersuisut aalajangersarsinnaassavaat inuit namminneq aamma inatsisit naapertorlugit inunnik taaneqartut (ingerlatseqatigiiffiit) malittarisassanik unioqqutitsinerini siunnersuutigineqartumik § 17, imm 9-mik pineqaatitsissutitut akiliisitsissuteqartoqarsinnaasoq, tak. tuniniaanissamik nittarsaassisarneq pillugu inatsimmi atuuttumi § 39, imm. 2 aamma 3.

Nr. 2-mut (§ 18, imm. 3-5-imi)

Siunnersuutigineqartoq imm. 3 naapertorlugu atugassarititaasut akitsuummik akiligassap angissusianik allannguissamik imaluunniit isumaqatigiisummi pioreersumi akitsuummut tunngatillugu atuisartumut ajoqutaasumik iliorneq isumaqatigiisummi ersarissumik nalunaarneqassapput.

Aalajangersagaq paasineqartariaqarpoq nalilinnik pigisanut malittarisassat nalinginnaasut naapertorlugit, taamalu isumaqatigiisummi oqimaarsaataasunik allannguinerit illuinnaasiortumik pisinnaanatik, tamanna isumaqatigiisummi pisinnaatinneqariinngippat.

Isumaqatigiisutaasut atugassarititaasuni ersarissumik ersissaaq atugassarititaasut qanoq ittut iluanni akitsuutininik allanngortinneqarsinnaaneri imaluunniit nutaanik eqqussisoqarsinnaanera. Assersuutigalugulu naammanngilaq allassimappat “ingerlaavartumik akinik aamma akitsuutininik allannguisarnerit” aqqutigineqartassasut.

Taamaattoq naammattumik ersarissuseqassaaq suliffeqarfiup isumaqatigiisummi allassappagu allakkanik nioqqutissanillu atuisartumut nassiussisarnermi allakkanut akinit qaffattarnerannut akiusut malinnaassasut.

Nalilersuisarneq allannguinerit atuisartumut ajoqutaanersut akitsuutinut ataasiakkaanut tunngatillugu pisassaaq. Ilutigisaanik akiliutinik appaasoqarpat nutaanillu qaffaasoqarluni

atuisartumut ajoqutaasunik, pisumi kingullermi aalajangersagaq isiginiarneqartussaassaaq ,
aamma naak allanngineq ataatsimut isigisumik atuisartumut iluaqutaagaluartoq.

Aalajangersakkami ilaanngillat akitsuutit ersarinnerusumik inatsisitigut aqunneqartut,
assersuutigalugu ernianut inatsimmiittut akiligassanik akileeqqusilluni eqqaasitsinermi
akitsuutit. Akitsuut ilaannakuusumik inatsisitigut aquaappat, aalajangersagaq suli atuutissaaq
akitsuummut isumaqatigiissutikkut aalajangerneqartumut.

Imm. 4-mi aalajangersakkami aalajangiunneqarpoq akitsuutit artorsiisut imaluunniit akitsuutit
nutaat piffissaliilluni atortuulinnginneranni ilisimatitsissutigineqareertassasut. Tamannalu
atuuppoq apeqqutaatinnagu allannguutit annertuujunersut taamaanginnerisulluunniit.

Aalajangersagaq paasineqassaaq toqqortanik aningaasaateqarnermut nalinginnaasumik
malittarisassat iluanni, taamalu isumaqatigiissutaasuni allannguinerit nammagassiisut
naapertuuttumik piffissaliilluni aatsaat pisinnaallutik.

Nalilersuineq naapertuuttumik piffissaliineq sunaanersoq pillugu pisumi namminermi
naliliinermik tunngaveqartariaqarpoq, tassanilu ilaassalluni allannguutip annertussusia,
aammalu akitsuutip annertussusia inuussutissarsiortumi namminermi pissutsinik imaluunniit
avataaneersunik pissutsinik tunngaveqarnerisut, inuussutissarsiortup nammineq
naalagaaffiginngisaanik.

Pisuni atuisartup isumaqatigiissummik atorunnaarsitsivigisinnaasaani, allannguutininik
tunngaveqartumik akitsuutinilluunniit nutaanik tunngaveqartumik, atorunnaarsitsinissamut
nalunaarneq piffissaagallartillugu pisassaaq, atuisartup pisinnaatitaanerninik tamatumunnga
atuisinnaanissaa eqqarsaatigalugu, akitsuutip qaffannginnerani imaluunniit akitsuutit nutaat
atuutilinnginneranni.

Aalajangersakkap atuisartumik illersuiniarnermik siunertaa isiginiarlugu akitsuummik
atorunnaarsitsineq imaluunniit appaaneq oqaasertat taamaakkaluartut nalunaaqqaarani
pisinnaavoq.

Imm. 5-imi aalajangersakkami aalajangersarneqarpoq, isumaqatigiissutini ingerlaavartuni
akitsuutinik pioreersunik allanngineq annertuujuppat, imaluunniit akitsuutinik nutaanik
eqqussisoqarpat, taava allanngineq atuisartumut ilisimasaarutigineqareersimassaaq
pineqartumut namminermut allakkatigut.

Inuussutissarsiortoq aammattaaq ilisimatinneqassaaq, atuisartup periarfissai pillugit
isumaqatigiissut naapertorlugu atorunnaarsitsisinnaanani isumaqatigiissummik pillugu,
akitsuummik atortuulersitsinissaaq sioqqullugu. Siumoortumik ilimasaarineq taamaasilluni

imaqassaaq isumaqatigiisummik atorunnaarsitsinermut atugassarititaasunik ersarinnerusunik, tamatumani aamma siumoortumik ilisimatitsinissamut piffissaliussap takissusianik, aammalu taamaappat akitsuutininik atorunnaarsitsinermut atuuttunik.

Siumoortumik ilisimatitsineq pissaaq pineqartumut namminermut allakkatigut attaveqarnikkut, tassa imaappoq, atuisartumut toqqaannartumik saaffiginnikkut. Allakkatigoortussaananeramik piunasaqarneq teknologiimik qanoq ittumik atuinermik tunngaveqassaaq, taamalu aamma digitalimik pisinnaalluni.

Siumoortumik ilimasaarineq assersuutigalugu digitaliusunik allakkatigut pisinnaavoq, e-mail-ikkut, allakkanik nakkartitsisarfirmut nakkartitsinikkut assigisaatigulluunniit. Kisianni assersuutigalugu suliffeqarfiup nammineq quppersagaani atuisartup nammineq alakkarsinnaasaani paasissutissanik inissiineq naammanngilaq.

Aalajangersagaq taamaallaat atorveqassaaq isumaqatigiisutaasuni pingaaruteqartunik allannguuteqartoqartillugu. Akitsuummik nutaamik atortuulersitsineq nalinginnaasumik pingaaruteqartumik allannguinerussaaq.

Akitsuummik atuuttuusumik pingaaruteqartutigit allannguisoqarneq pillugu naliliinermi pisumi namminermi apeqqutaassaaq nalilersuineq allannguinerup annertussusianik, siusinnerusukkut akitsuummik sanilliullugu, aammalu kiffartuussissutaasup nalinganut naleqqiullugu.

Aallavittulli akitsuummik allanngulineq annertuutut isigisariaqassaaq qaffaaneq 10 pct. -iuppat taannaluunniit qaangersimappagu, siusinnerusukkut akitsuummik naleqqiullugu, kiffartuussissutaasup tamarmiusup nalinganut sanilliullugu suunngitsutut isigineqarsimangippat.

Akiliutip taassuma arlaleriarluni annikitsumik allanngortinneqartarnera, taakkua ataatsimut isigalugit piffissatigut ataqatigiinnerat annertuumik allannguinermik kinguneqarpat, akiliutip annertuumik allannguuteqarneratut isigineqarsinnaassaaq.

Allaganngorlugit siumoortumik ilisimatitsisussaataaannernik unioqqutitsineq akitsuutininik malunnaatilinnik allannguinermut tunngatillugu pineqaatissiissutaasinnaavoq akiliisitsinermik.

Nr. 3-mut (§ 21 –*imut*)

Aalajangersakkap malittarisassat akinik paasissutissanut tunngasut ilaatigut § 17, imm. 1, 3 aamma 8-mi aamma § 19-imiittut assigisaanik atuutsippai pilerisaarisarnernut aamma

annonciliisarnernut, pilerisaarummi imaluunniit annoncimi nioqqutissap aamma kiffartuussinerup akiinik paasissutissiisoqarpat.

Inuussutissarsiortoq annonciliinikkut akinut paasissutissiippat imaluunniit allatigut ussasaarinermi atortutigut akinut paasissutissiippat, akinut paasissutissat taava assigiissapput, ilisimatitsissutigineqartussat neqeroornermi nioqqutinik aamma kiffartuussinernik.

Tamatuma qularnaassavaa assersuutigalugu akitsuutini akianut ilaasuni assigiinngittoqanninnissaa, nioqqummi aviisimi neqeroorutinik imalimmiittumi aamma niuertarfimmi neqeroorutigineqartumi.

§ 19-imik atuneq akiusumik akilersuilluni akiliisarnermi pilerisaarinermi assingusumilluunniit aaqqissuussinermi, pilerisaarummi pisinermi akilersugassami aallarniutigalugu akileqqaagassamik taamaallaat nalunaaruteqarneq nioqqummut tunngatillugu atuisartumut naliliinissamut tunngavissaqartitsinaviannngilaq akilersukkamik pisinermi.

Nr. 4-mut (§ 24-imi)

Siunnersuutigineqartoq § 24, imm. 1 oqaaseqatigiit siulliit ingerlatitseqqinneruvoq oqaasertaanik allannguiinnarluni atuuttumik § 24, imm. 1-imik. Atuisartoqarnermut Unammilleqatigiinnermullu Aqutsisoqarfik maannamut sulii nakkutilliisuvuq Inatsisartut inatsisaannik aalajangersakkat eqqortinneqarnissaannik, taamaattoq pisuni eqqaaneqartuni imm. 2 aamma 3-mi pineqartut pinnagit.

Siunnersuutigineqartoq § 24, imm. 1, oqaaseqatigiit aappaat naapertorlugu Atuisartoqarnermut Unammilleqatigiinnermullu Aqutsisoqarfik Inatsisartut inatsisaata aqunneqarnerani Naalackersuisunut pitussimasuunngilaq. Tamatuma kinguneraa Naalackersuisut ilitsersuisinnaannginneri sulianik pineqartunik suliaqarnerni, soorluttaaq Naalackersuisut Atuisartoqarnermut Unammilleqatigiinnermullu Aqutsisoqarfiup aalajangiigaanik allannguisinnaanngitsut. Aalajangiinerit pineqartut tamatumani taamaasillutik Naalackersuisunut suliaassanngortinneqarsinnaanngillat. Aalajangersagarli taamaattoq killiliisuunngilaq Ombudsmand-ip imaluunniit Inatsisartut imaluunniit Kalaallit Nunaanni eqqartuussiviit aalajangiisinaassusiannik.

Imm. 2-mi aalajangersakkap oqaasertatigut allannguuteqartitsilluni ingerlateqqippaa atuuttoq § 24, imm. 2. Tamatumuuna taamaasilluni siunnerfiunngilaq pissusiusunik allannguinissaq.

Imm. 3-mi aalajangersakkap oqaasertatigut allannguuteqartitsilluni ingerlateqqippaa atuuttoq § 24, imm. 3. Tamatumuuna taamaasilluni siunnerfiunngilaq pissusiusunik allannguinissaq.

Imm. 4-mi aalajangersakkap maannamut qularnaarpaa Atuisartoqarnermut Unammilleqatigiinnermullu Aqutsisoqarfiup piumasaqarnermigut paasissutissat pisariaqartitami atugassiissutigineqartarnissaat.

Ingerlaqqilluni qularnaarneqarpoq Atuisartoqarnermut Unammilleqatigiinnermullu Aqutsisoqarfimmi sulisut akornuserneqaratik niuertarfiup pisiniarfittaanut ammaffiani isersinnaatitaanissaat, nakkutigineqarlutillu tassaniissinnaaneri. Tamatumani pineqarput init inuussutissarsiornermik ingerlatsiviusut sullitanit iserfigineqarsinnaasut tamarmik.

Aalajangersakkap Atuisartoqarnermut Unammilleqatigiinnermullu Aqutsisoqarfik immikkut pisinnaatitsissusinngilaa allaffinnut, toqqorsivinnut, ataatsimiittarfinnut il.il. isersinnaanissaanut, sullitat iserfigisinnaanngisaannut.

Iserinnaanerlu taamaallaat atuuppoq nalinginnaasumik ammaffiup nalaani. Atuisartoqarnermut Unammilleqatigiinnermullu Aqutsisoqarfik taamaasilluni piumasaqarsinnaanngilaaq inuussutissarsiortup ammaffiup nalinginnaasup avataatigut isersinnaatitsinissaanik.

Kiisalu aamma isersinnaatitaaneq aamma tassaniissinnaatitaaneq tunngaveqarpoq nakkutilliisup kinaassutsiminik uppernarsaasinnaanissaanik, Atuisartoqarnermut Unammilleqatigiinnermullu Aqutsisoqarfimmi sulisutut, assersuutigalugu sulisutut allagartaminik nittarsaassinermigut.

Imm. 5-imi aalajangersakkap maannamut qularnaarpaa Naalakkersuisut imaluunniit Naalakkersuisunit pisinnaatitaasup paasissutissanik pisariaqartunik atugassinneqarnissaa.

Kiisalu aamma qularnaarneqarpoq nakkutilliisuniit sulisut akornuserneqaratik niuertarfiup kiffartuussaminut inaataanut ammaffiup nalaani isersinnaanissaat, tassaniissinnaanerallu taakkunanga nakkutigineqarlutik. Tamatumani ilaapput inuussutissarsiutinut atorneqartut init tamarmik sullitat iserfigisinnaasaat.

Aalajangersakkap nakkutilliisut ammaatinngilai allaffinnut, toqqorsivinnut, ataatsimiittarfinnut il.il. sullitat iserfigisinnaanngisaannut.

Iserinnaanermilu taamaallaat pineqarpoq init ammaffiisa nalinginnaasut nalaani isersinnaatitaaneq. Nakkutilliisutut oqartussaasut taamaasillutik piumasarisinnaanngilaaq inuussutissarsiortup ininut ammaffiup nalinginnaasup avataatigut ammaassinissaa.

Kiisalu isersinnaatitaaneq tassaniissinnaatitaanerlu aallaaveqarpoq nakkutilliisutut oqartussaaitap kinaassutsiminik nakkutilliisuni sulisutut uppernarsaasinnaanera, assersuutigalugu sulisutut allagartaminik takutitsinikkut.

Nr. 5 –imut (§ 39, imm. 1 –imut)

Aalajangersakkap kinguneraa pineqaatissiisutitut akiliisitsissutaasoq aalajangersarneqarsinnaasoq pisuni nr. 1-8-mi eqqaaneqartuni.
nr. 1-8.

Aalajangersakkallu aamma aalajangerpaa § 18, imm. 5, § 17, imm. 1-2, 5 aamma § 7-8 aamma § 21 akiliisitsissummik pineqaatissiisuteqarfiusinnaasut. Tamatuma saniatigut nakkutilliisumik isersinnaatitsinnginneq tamatuminngalu aalajangiusimanninneq siunnersuutip § 24, imm. 4-5-ip kingunerisaanik akiliisitsissuteqarnermik aamma kinguneqarsinnaasut.

Kiisalu aalajangersarneqarportaaq taamaallaat piaaraluni § 22-imik unioqqutitsineq pineqaatissiilluni akiliisitsissuteqarnermik kinguneqarsinnaasoq.

Iliusereriikkamut kingunerititap annertussusilernerani pingaartinneqartariaqarpoq unioqqutitsinerup peqqarniisaarnera, annertussusaa aammalu aningaasatigut iluanaarutissat anguniarnera.

Unioqqutitsinerit peqqarniisut, piaaraluni imaluunniit arlaleriarneqartut akiligassiinernik kinguneqartariaqarput ima annertutigisumik pinaveersaartitsinissamik kinguneqartussanngorlutik.

Akiligassap annertussusilernerani una inatsit malillugu arlallit assigiinngitsut pissutsit isiginiarneqartariaqarput, taassumalu ataani taanna anguniarneqartoq imaluunniit anguneqarsimasoq iluanaarut, kisiannili aatsaat tamanna periarfissaappat qularnaveeqquteqartumik nalilerneqarsinnaappat.

Nittartakkatigut pilerisaarineq annertusiartornera ilutigalugu, tassanilu pilerisaarinnermut aningaasartuutit soorlu assersuutigalugu tusagassiutit naqinneqartartunut imaluunniit tv-ikkut pilerisaaruteqarnermut sanilliullugit killeqarnerusinnaaneri, tamatigut naleqquttuaannassanngilaq pilerisaarinnermut aningaasartuutit naliliinermi ilanngunnissaannut. Tamannali ilaannakortumik aalajangiinermi ilanngunneqarsinnaavoq, tamannalu suliassamut pineqartumut naleqquttuussappat, tassanilu ilimasuutigineqarluni taakku pilerisaarinnermut aningaasartuutit takussutissaasut aningaasatigut siunertaasut iluanaarutaasussat. Tamanna pisinnaavoq suliassani pilerisaarinnermut aningaasartuutit annertuppata.

Siullermeertoqartillugu taakkunani aallaaviusinnaapput pilerisaarinnermut aningaasartuutit marloriaataat.

Suliani elektronikkikkut piumaffigineqarnani saaffiginninnermut unioqputitsinnermut tunngasuni akiligassamik aalajangiinnermi pingaartinneqartariaqarpoq piumaffigineqarnani saaffiginninnerit amerlassusaanut.

Iliusereriikkamut kingunerititap aalajangernerata tamatigut eqqartuussiveqarfiup naliliineraniissaaq ataasiakkaani pisuni suliap tamakkiisumik pissusaani, aammalu annertussusaa isummiussamiit qullariarsinnaallunilu appariarsinnaasooq Kalaallit Nunaanni Eqqartuussiviit aalajangerpassuk suliami aalajangersimasumi sakkortusaatinik sakkukillisaatinilluunniit peqarnerisooq.

§ 2 -mut

Siunnersuutigineqarpoq Inatsisartut Inatsisaat atortuulissasooq ulloq 1. januar 2021.